


22.


 BIBLIOTHECA UNIV. JAGELL. CRACOVINENSIS	KAT. KOMP.	
	59768	
III	Mag. St. Dr.	P

idm

*Teol. 599.*

*Nieszportkowiez Ambrosii: Triumphales honores  
candidi: et cantoribz honorati coronae —*







TRIVMPHALES  
Honoris Candidi, & Candoris Honorati  
CORONAE

Diuis Martyribus  
HONORATO & CANDIDÆ,  
Sub Diocletiano Martyrio coronatis,

Dum eorum Corpora,  
Sub tempus festiuium celebritatis Anni Tertij Sæ-  
cularis, seu trecentesimi, ab Odigitriæ Imaginis prodigiosa in hoc  
Monte statione, & Fratrum Ordinis S. Pauli Primi Eremitæ ex Vngaria  
aduocatorum, per Sereuissimum Russiæ Principem, Ducemq;

Oppoliensem, Fundatione,  
Ex Oppido Cześtochowa, ad Montis Clari Basilicam publicæ  
Exponenda Venerationi

In Solenni totius Poloniæ applausu,



Deportarentur,

Consecratæ,

&

Ad Majorem DEI Gloriam, qui gloriosus est in  
Sanctis suis Autpaticissimaque Poloniæ Solatia, &  
Patrocinia,

VIII. Inscriptionibus celebratæ,

*Superiorum Permissu.*

Per Fratrem AMBROSIVM NIESZPORKOWITZ,  
Ordinis S. Pauli Primi Eremitæ Profess.

Anno Regis Sæculorum, trabeam nostræ Carnis induti

M. DC. LXXXII.

CRACOVIAE,





59768  
III



SERENISSIMO ac INVICTISSIMO

IOANNI III.

DEI GRATIA

REGI POLONIÆ,

Magno Duci Lithuaniae, Russiae,  
Prussiae, Masouiae, Samogitiae, Liuaniae, Smo-  
lensciae, Kijouiae, Volchyniae, Podoliae,  
Podlachiae, Seueriae, Czerniecho-  
uiæque.

DOMINO CLEMENTISSIMO.



Oronas ad Coronas feri-  
mus Serenissime & Inuictissime  
Rex. Triumphales Triumphato-  
ri, felicissimo omine Diuorum  
HONORATI, & CANDI-  
DÆ, vnde Tibi longæuus in sublequentibus Co-  
ronis, Victorijs, Triumphisque contingat Honor,  
Candorque clementioris cœli, candidis dies, an-  
nos, ætatesque Tuas Calculis distinguat Sæcula-  
rem Anni trecentesimi solennitatem oppor-  
tunè, lætitiâque Coronarunt, cumque sub Tu-  
is Serenissimis, ac Felicissimis Auspicijs, Sæculi  
tertij termino imponunt Coronidem, Coro-  
namque Quarti initio, cum his Sæcularibus, Ti-  
bi Sæculi Nostri Delicio, Coronis, Triumphales  
Coronas meritis Patronorum, quos hodie pri-



mum serenior lux ad publicam venerationem  
exponit, ominantur antehac Romæ in Apolli-  
nis Honorem, Dianæque, celebratos constat sæ-  
culares ludos; faceffant terrena Numina! in hoc  
Monte Cœlesti Dianæ MARIÆ institutos per-  
soluimus; vt quæ semper Patriæ felix fortuna-  
taque, per trium sæculorum decursum extitit,  
Præses & Præsidium, in moderna solennitate  
publicis populorum appellata cum precationi-  
bus esse velit Patrona propitia. Faue Serenis-  
sime Rex publicæ lætitiæ, & ex hac tantorum  
in Regno Tuo Patronorum, ad venerationem  
expositione, bene ominatam solij Tui, Regniq;  
felicitatem suscipe; nec enim fefellerunt eiusmo-  
di cœlestibus auctoramentis concepta omina, quæ  
suis patrocinijs Tutelarium vota, ad felicissimos  
exitus consueuerunt promouere. Et hoc ipsum  
nostrum erat maximum tantæ solennitatis Mo-  
mentum, Serenissimam Majestatem Tuam, Au-  
gustamq; Domum Tuam apud Deum Ter: Opt:  
Max. Regem sæculorum, Reginamq; MARI-  
AM publicis votorum oblationibus, prosequi,  
vt Te quem Nobis victorijs Coronatum ad soli-  
um dedit fortunatissimè, Sæcularium Corona-  
rum felicissimis auspicijs, ad inchoati Sæculi bea-  
tatem in folio conseruet diutissimè Quod

Serenissimæ Maiestati Tuæ

Deuinctissimum

Supplici Voto precatur

Cœnobium Clari Montis Czestochouiensis  
Fratrum Ordinis S. Pauli Primi  
Eremitæ.





AD TRIUMPHALES SS. MARTY-  
RVM CORONAS

Præliminares

O D Æ.

Ad Augustissimam cœlorum, ac terrarum Impe-  
ratricem, Matrem DEI, & Virginem

M A R I A M,

Serenissimam, absq; Originali macula

Poloniæ Reginam,

Cujus Imago Odigitria, à S. Luca Euangelista de-  
picta in Cupressina Domus Nazaræ Mensa, Anno Dñi, 1382.

hîc miraculosè subsistens, Montem Clarum, Clariorem  
effecit, Pro sæculi Tertij decursu, Quarti au-  
spicato initio.

O D E I.

**V**irgo Increati Filia Luminis,  
Lucisq; Mater: Virgo, Parens simul,  
A Prole quando mutuatum  
Cœlitibus reseras Serenum;  
Conniuet alta, lumine fulgurans,  
Torrensq; terras Phæbus, in orbita,  
Minorq; Phæbo consodales  
Secum hebetat Socios planetas.  
Quid quando terras respicis aureo  
Dignata vultu? Nonne Serenior  
Quam mille Soles duplicatum  
E tenebris reuehis nitorem?



Hinc Solis instar suggerit indolem  
 Viuacitatis Virgo Tuum iubar,  
 Quod promissis, expertesq; vitæ  
 Res animas meliore vitâ.  
 Hucusq; viuit, viuit in Icone  
 Tuâ venustas: inq; coloribus  
 Lucæ perennat: sed dedisti  
 Vitam operis, radiosq; Lucæ.  
 Te Ciue quantum tunc Solymæ plagas  
 Dicam beatas! Regia Te Hospitem  
 Cæli vt recepit, orbitatem  
 Non querulâ repetam Camanâ.  
 Nam destinatum pignus amoribus  
 Nostris relinquis, Numine Imaginem  
 Tuo beatam, Claritatis  
 Orbe nouos replicando soles.  
 Olim trecentis Te Solyma Incolam  
 Annis fouebat. Sæcula, Principem,  
 Per quinq; Byzantijs Patronam  
 Argolici coluere Reges.  
 Eoa postquam Pergamæ, pristino  
 Priuata cultu, deseris: Hospitem  
 Te Roxolanus: Contribulem  
 Betza tenet totidem per annos.  
 Quid Sidus arctas, inuida luminis,  
 Vmbroso in Arcis Russia carcere?  
 De nube Solem; Cynthiamq;  
 De tenebris Lechia reuelat.  
 En jam per æthera labitur æthera.  
 Nocti caligo concolor, inquiet  
 Per arua Betzæ pœna sternit  
 Peste fera Scythicas cohortes.  
 Hic Roxolano prima micat: micat  
 Et prima Lecho gratia luminis,  
 Quæ nube pulsâ cæcicatis  
 Fert placidos animis calores.  
 Cum Claritatis Mazer, & Inchyta  
 Sis auiterni Filia Luminis,  
 In Monte Claro sempiternum  
 Iure Tibi solum locasti.  
 Vt Monte Claro, fidere clarius  
 Sidus diurno, figere Regiam  
 Dignaris; orbe clariorem  
 Prodigij perhibe. utroq;



*Hic gratiarum computet auctibus  
 Momenta censor. Nec vacuus Dies,  
 Nec hora, momentumq; Virgo  
 Absq; Tuo properant fauore.  
 Regina, Princeps, Praeses, & Arbitra  
 Materq; Regni diceris. Hinc nouos  
 Per dona, latè, gratiarum  
 In titulos Tibi penna currit.  
 Sic inchoatum Te Duce Tertium  
 Finimus euum. Te Duce, & Auspice  
 Quartum inchoamus. Esto clemens  
 Auspiciū famulis Patrona!*

**AdSS. D.N. INNOCENTIVM XI. Pont:**  
**Max: cujus peculiari gratia pro Translatione B.B.**  
**Corporum in Anno Sæculari Mons Clarus,**  
**vberrimas Spirituales gratias, pro popu-**  
**lo, deuotionis causâ concurren-**  
**te, accepit.**

Et Indulgentias concessit per speciale Breue quod incipit: *Ad*  
*augendam fidelium religionem & animarum salutem, illo verbo-*  
*rum tenore: Pro Festo Natiuitatis B. V. Immaculate, & decem*  
*diebus immediatè sequentibus plenariam omnium peccatorum*  
*suorum indulgentiam impertimur De data*  
*L. Iulij Anno 1682.*

## O D E II

**M** *Vndus immundo Senior sub æuo  
 Labe deterfa cupiens renasci.  
 Aurea exoptat nitidis reduci  
 Sæcula bigis.  
 Vota vix promit subito benignum  
 Annuit cælum. Datur Innocentia  
 Prodromus Regni noua vaticana  
 Gloria Sedis.  
 Innocens Candor Tuus INNOCENTI  
 Pontifex, Orbis Column, Decusq;  
 Præfulum Præsul, Fidei Corona  
 Maxime Patrum!*



Inde felicem renouas iuuentam  
Sæculi. Candor sinè labe fulget,  
Omen, à terris, superiusq; charo

Nomine ducens.

Hic PETRI cingit Cathedras, Pedumq;  
Ornat hic PETRI Diadema triplex,  
Quo decus toti patet, & serenum

Fulgurat orbi.

Siuè quâ latè patet vniuersus  
Orbis adspèctas, vigiliq; terras  
Contines curâ, Fidei, refulgent

Regna, trophæis.

Et quid ignorent Lechici Triones  
Nobilis mundi? quod ab Vrbe Roma  
Explicas gratum jubar, Innocentis

Conditor Æui?

Lumen ex alta jaculatus Arce  
Spargis æquales radios Olympo,  
Queis pigram tandem remoues rigenti

Pectore brumam.

Sentit ardentem, recalerq;, Zelum  
Lechiæ tellus. Renouans nocentis  
INNOCENS æui senium; renatos

Corrigis annos.

Prodigus quando populo thesauros  
Affluis cælo, quibus expiatis  
Innouet mentes, auidasque cæli,

Inferat astris.

Hinc Tuum Nomen veneratur ora  
Sarmatis: Clarus Tibi Mons reclinem  
Verticem subdens, Sobolesq; Pauli

Numen adorat.

Et Palestinae nemus omne Palmæ  
Fronde Te loetà reuirens coronet;  
Delia quondam celebrata Palmæ

Sacula vince!

Ad Serenissimum, & Inuictissimum Poloniæ  
Regem IOANNEM III. Sub cuius  
Singulari Patrocinio, Tutelaque Annum Sæcularem Tertium  
Mons Clarus celebrat, Cui, Auspicijs Virginis Claro Montanæ  
MARIAE, in thaumaturga tabula quæ apud Orientales Impe-  
ratores in Auræ Fortunæ locum, sub Constantino M. suc-  
cessit, venerabilis, Aurea imprecatur supplici voto Sacula.

ODE



# O D E III.

**E**T quæ Tyrannis bella cubilibus  
 Exciuit Orci & classica perſanant;  
 Et Tauricanas, Biſtonasq;  
 Sollicitant acies ad arma.  
 Hinc qui remotis ſubiacet incolæ  
 Septemtrionis curribus, obſequi  
 Non tardat, auſu Martiali  
 Fœdiſfragam ſcleri pudenda  
 Opem miniſtrans; hinc oriens ferus  
 Ferocit armis; cornibus inquires  
 Infame ſidus, luctuoſis  
 Omnibus Lechiæ neſaſtum.  
 At quo cruentis cladibus imminet  
 Prognata Lernæ monſtra paludibus?  
 Rurſumne funeſtum Lechæis  
 Exitium minitantur oris?  
 Abſiſte cæptis Hydra ceraſtium  
 Stripata ſpurcis mille cohortibus;  
 Depone criſtas, atq; ſeptem  
 Gutturibus prohibeto flammas!  
 Iam thaumaturga, vindicat, & fouet  
 Virtute terras Fortis, & Inclytus  
 Polonus Alcides, Ducali  
 Monſtra premens, perimensq; Clauæ.  
 Tuæ pauebant, monſtra Podolys  
 Proſtrata campis, fulmina dextera  
 Formidoloſum cum Tyrannis  
 Obſcures CLYPEVM SALVTIS,  
 Salus Tuorum, vitæq; ciuium.  
 O Magne Princeps, Magnaq; Patrijs  
 Fortuna momentis, IOANNES  
 Gemma ſoli ſoliq; ſplendor.  
 Kno Chotimi dum Tua lugubri  
 Tot probra buſto dextera congerit,  
 Titanas, Antæos, Typhæos,  
 Encelados, Titios, Gigesq;  
 Quæ Pallas, aut quæ Te Dea proprio  
 Umbone texit? quæ caput agide?  
 Iturna Fratrem qua fouebat  
 Mortiferas acies retundens?  
 Te Magna Cæli, Magna POLONIÆ  
 REGINA curis, incolumem ſuo  
 Regemq; Tutanumq; Regno ab  
 Odryſys voluit Gradinis.



Hac Pallas harpen, hac dedit egidem;  
 Leuaq; Parmiam. Quid Tibi Perseo  
 Medusa non trungetur armis  
 Toreycia genitura stirpis?  
 Per Te Podoli gleba noualium  
 Quam ritè Thraces pota cruoribus,  
 Palmasq; Laureasq; profert  
 Sarmatici segetem Triumphis.  
 Iam vota nostrum subditus adjuuat  
 Frigentis Vrse. Promouet AVREA  
 FORTVNA, Claro Monte, Clarum  
 Auspicijs Patria trophaeum.  
 Te glorioso si titulo colis,  
 Diciq; fecit Te Patria Patrem,  
 Pendere quid non portitore  
 Regna Tuo velit in lacerto?  
 FORTVNA pulchre seruiat AVREA  
 Felicitati. Regna Polonia  
 Te Rege, Regnorum belluones  
 Memnonij paueant Tyranni.

Ad Serenissimum VLADISLAVM olim  
 Russiæ Principem, DVCEM Oppoliensem,  
 (qui ductam Oppolium, Nutibus Diuinis, ac pro-  
 digijs obsecutus, Sacram hîc Anno 1382. reliquit  
 Imaginem) Monasterij Clari Montis Fra-  
 trum Ordinis Protoeremitici  
 FVNDATOREM.

#### O D E IV.

**I** Am Belza cecidit foeda noualibus  
 Caligo Scythici conscia criminis  
 Iam celsa radijs Phæbus ab orbita  
 Terris Nubila dissipat.  
 Vide ut Sacrilegos vindice fulmine  
 Prostravit Nemesis iusta, Gigantibus  
 Victis inferias, & sine debito  
 Metans funere funera.  
 Diui quàm faciles rebus ut annuunt  
 VLADISLAE Tuis! auxiliaribus  
 Implere Tuae jugera Roxia, &  
 Belza mania copijs.



O quot pestifera busta cadauerum  
 Congessere acies dum Tibi militant!  
 Hinc sub Tartareis & gemit, & fremit  
     *Vmbra Phlagra Borysthenis.*  
 Non Te missilium nimbis acuminum  
 Laesi; nam superum Te pretiosus  
 Ancile texit, fulgure detonans  
     *Sacra fulgor Imaginis.*  
 Hoc felix Scythicas Numine Laureas  
 Et Palma segetem colligis; hac Duce  
 Aeternum stabilis, nec sterilis Tibi  
     *Fama surgit adorea.*  
 Triumpho Superi quod Capitolium, aut  
 Trophaum meritis ponere quod iubent?  
 Victori statuas quas amat erigi  
     *Iusto Gloria Principi?*  
 Aeternum statuit, nec reuocabile  
 Decretis hominum, Consilium DEI,  
 Et Matris, simul & Virginis: Erigat  
     *MONS CLARVS Capitolium!*  
 Signis edocuit prodigialibus  
 In Montis statio culmine pertinax.  
 Confirmant placitum Principis, intimo,  
     *Caelo nuntia, sensui,*  
 Hoc, Princeps, Solium est! hoc Capitolium  
 In Montis gremio Regia Virginis.  
 Triumphas, spolio, quod Tibi Russia  
     *Concessit, speciosior!*  
 Quam pulchrum Lechico, quam venerabile  
 Trophaum populo Nobilis Aduena  
 VLADISLAE locas, Montis in arduo  
     *Clari vertice prominens!*  
 Tibi propitio sidere tertium  
 Felix deproperat gloria Saculum:  
 Tibi pro socio munere supplices  
     *Reddit Lechia gratias.*  
 Sed primum memori Te celebrat Patrem  
 Voto, progenies Candida, Candidi  
 Thebai Patris, hac Fausta petit triplo  
     *Addi Sacula Saculo.*



Ad Illustrissimum ac Reuerendissimum D.  
IOANNEM MALACHOWSKI Epi-  
scopum Cracouiensem Ducem Seueriæ, eximi-  
um Clari Montis Patronum, cuius Authori-  
tate Pastoralis, solenniter Beatorum  
Martyrum Corpora transferuntur.

O D E V.

**T** Andem Sarmaticis Candida, & Aurea,  
Ætates redeant sinibus. Optimum  
Omen Prasulea nunquid ab augure  
Discit Cracia Stemate?

Sic est. Hæc superum munere gratia.  
Obringat Cracia, Candida Sedibus.  
Quam modo solidat FASCIA Principis.  
Nulla lege solubili.

Nil mundo solidum, perpetuum nihil.  
Cælum participat. Quæ modo palpebras  
Illudunt specie, dissipat omnia  
Clades temporis inuidi.

Quod fastu nimium crescit, in arduo  
Non firmum folio, mole sua ruit;  
Nec veram licitis, pondere prægrauans,  
Sedem spondet honoribus.

At quæ legitimis, gloria nascitur  
Virtutis parior filia, partibus,  
Æternum stabilem, nec dubium sui  
Ponit sideribus thronum.

Nil unquam properi temporis irritum  
Debes arbitrio. Frena licentia  
Dissoluant alios; Te solidi iuuant  
Prasul fœdera Stemmatum.

Quam forti Dominam robore colligas  
Virtutem, famulis Prasul Honoribus!  
Hoc è Conjugio progenies Tibi

Consurgit Reuerentia.  
Extra dissidium, & iurgia mobilis  
Fortuna positus, futile despicias  
Vulgi consilium, quo sibi blandiens  
Vanis gaudet honoribus.



Hic est! hic Cracia Pontificis Decor,  
 Affinis Patrijs FASCIA Fascibus;  
 Quæ latæ, Superum, nexibus arctior,  
 Claudis dona capedine.  
 Aras Pontificum hæc, hæc Diademata  
 Regum nobilitans, in MALACHOVIA  
 Laborat meritis, debita gloria  
 Pulchrum FASCIA Præmium.  
 Hæc me cum niueo fœdere mancipient,  
 Captivum teneant Vincula. Candidum,  
 Evoluat nitidis FASCIA Fascijs,  
 Felix tessera, Saculum!

Ad Illustrissimum, & Excellentissimum D.  
 ANDREAM De POTOK, in Stani-  
 sławow POTOCKI Palatinum Cracouiensem,  
 Lesanficensem, Snatinensem &c.&c. Capitaneum.  
 Singularem Montis. Clari Fautorem, &  
 Benefactorem.

## O D E VI.

Æternitati parva laboribus  
 Trophæa figo Monte Tuo super  
 Mater Tonantis, atq; Virgo  
 Terrigenum, superumq; Princeps  
 Potita Regnis. Tessera Sanguinis  
 Potociani est; non humili loco  
 Ponenda. nam propinqua cælo  
 Sarmatiae celebris per oras;  
 Cæli trophæis, & superum Patris  
 Cognata Sceptro; Pilawa triplici in  
 Crucis decore, Sanctioris  
 Pace potens, labarum Gradii,  
 Potensq; Bello. Stemmatis inclyti  
 Te prodest index Tergemina Crucis,  
 Quem principali dignitatis  
 Ire jubet Cracia in curuli,  
 Potociani gloria Stemmatis  
 Virtutis Heres, pondere Nominis  
 Et Fortis ANDREA, & Decorus  
 Nominis ex etymo VIRILIS.



Per Te togata Palladis otium  
 Sagumq; claret Martis in arca,  
 Dum subleuas Clauam trinodem,  
 Patricijs metuendus Armis!  
 O digna cælo! dignior aureis  
 Sceptris Deorum! sueta per hosticum  
 Labore prorsus Herculano  
 Terrificos domitare Thracas!  
 Hæc Tempia, & Aras; atq; Senacula.  
 Suffulcit alti robore consilij,  
 Labantis hæc Norma Æquitatis  
 In Patria prohibet ruinam!  
 Te chara Diuum Relligio Patrem,  
 Immunitatum Te quoq; Vindicem,  
 Et dicit, & sentit Patronum  
 Munifico cumulata censu.  
 Vbiq; Clari nominis eminet  
 Mons Clarus ortu. Clarior Hospite,  
 Ad cuius augmentum Sereni  
 Sarmatici vigilant triones.  
 Nec sola gaudet luminis ambitu  
 Fœcunda, Lucis Filia, luminum:  
 Illustrat erranti ducatum  
 Per dubios referando calles.  
 At Te propinquum Luciferum sui  
 Honoris, & Te destinat Hesperum;  
 Dum Liberalis Clariorem  
 Esse iubet, adamasq; Montem. Hinc  
 Coæua Diuis sacra Themis tuo.  
 Descende cælo, præmia iustior.  
 Decerne voto liberali  
 Pra meritis Patrio in Senatu.





# De Sanctorum Martyrum HONORATI & CANDIDÆ Corporibus.

Ex Martyrologio Romano, tum ex Annotationi-  
bus Cæsaris Baronij Sorani Congregat:  
Oratorij.

*XXII. Decembris in Martyrologio Rom:*

Apud Ostia Tiberina Sanctorum Martyrum Demetrii,  
HONORATI & Flori.

*Cæsar Baronius Soranus Congregat: Orat. in Notationibus Martyrologij  
Romani ad 22. Decemb. sic habet:*

d. Demetrii & Soc: ) De his Vsuardus, Ado & alij  
recentiores hac die.

*VI. Iunii in Martyrolog: Romano.*

Romæ Sancti Artemij cum vxore sua CANDIDA, & Filia  
Paulina, qui Artemius ad prædicationem & miracula Sancti Petri Exor-  
cistæ in Christum credens, & cum omni Domo sua à Sancto Marcelli-  
no Presbytero baptizatus, iussu Sereni Iudicis plumbatis cæsus, &  
gladio percussus est. Vxor verò ejus & Filia in cryptam impulsæ,  
lapidibus, ruderibusq; sunt obrutæ.

*Cæsar Baronius in Notat. Martyr: Rom: ad 6. Iulij.  
sic habet:*


Artemij, & Soc: ) De his hac die Beda, Vsuardus, Ado, & alij. Ho-  
rum res gestæ connexæ habentur cum Actis Sanctorum Marcellini &  
Petri apud Surium como 3. secunda Iunii. Corpora Artemij, & Paulinæ,  
translata reperiuntur à Sergio juniore in Titulum Equitij, vt vetus illic  
posita testatur inscriptio in marmore incisa.



Apostolicæ Sedis, ad publicam Sacrarum  
Reliquiarum SS. Honorati & Candidæ  
Expositionem Authoritas.

Illustrissimo D. ALEXANDRO à DONHOFF  
Abbati Andreouensi concessa, qui easdem Sanctorum Reli-  
quias Clari Montis Ecclesiæ vltimis tabulis attribuit.

ALEXANDER VICTRICIVS  
DEI, & Apostolicæ Sedis Gratiâ Episcopus  
Alatrinus.



*Niuerfis præsentēs nostras Literas inspecturis, lectu-  
ris, & audituris fidem facimus, & attestamur, qualiter Nos  
ad maiorem DEI gloriam, & Sanctorum suorum honorem,  
cum vicesgerentis munere fungeremur, donauimus Illustrissi-  
mo Domino Alexandro Comiti à Donhoff. Palatinidæ Siradiensi, Abbatie  
Andreouensis Administratori perpetuo, Corpora Sanctorum Martyrum  
HONORATI & CANDIDÆ, tunc temporis de mandato San-  
ctissimi D. N. INNOCENTII PAPÆ X. cum alijs Sanctorum  
Martyrum Corporibus, ex Cæmeterio Calepodij extractis, facultate tunc  
pariter eidem Illustrissimo D. Alexandro à Nobis concessa, prædicta Sacra  
Corpora penes se retinendi, alijs donandi, extra Urbem ferendi, & in qua-  
cunq; Ecclesia, Oratorio, vel pio loco publicæ venerationi fidelium exponen-  
di de Ordinarij Licentia. In quorum fidem ex parte ejusdem Illustrissimi  
Comitis nunc requisiti, has præsentēs manu Nostra firmatas, Sigillisq; No-  
stri appensione munitas per Nostrum Secretarium iussimus expediri. In  
Alma Vrbe hac die 24. Septembr. Anno Iubilei 1650.*

Admittantur Supra nominata Corpo-  
ra SS. cum alijs Reliquijs nomina-  
tis, vt possint publicè exponi. Cra-  
couiæ 18. Ian: 1672. Nicolaus O-  
borski Episcopus Laodicen: Suffra-  
gan: & Officialis Gener: Cracouien:

Alex: Episc: Alatr:

Bernardus Gabriel Secretarius.

Nouissimè hoc Anno 1682. accessit Authoritas Illustrissimi ac  
Reuerendissimi D. Loci Ordinarij, Ioannis Małachowski,  
Episcopi Cracouien: Ducis Seueriæ.



TRIVMPHALES  
HONORIS CANDIDI,  
CANDORIS HONORATI  
CORONÆ.

INSCRIPTIO I.

Coronæ ante Sæcula Electorum In Electis  
ad Coronas Diuis Martyribus  
HONORATO & CANDIDA  
Immutabiles.



Vi lucem habitat inaccessibleē.  
DEVS, & rationalis creaturæ, auidæ beatita-  
tis menti, in explicato rerum creatarum theatro,  
stupenda Potentiæ, Sapientiæ, Bonitatisq; suæ  
proponit incitamenta, quibus auulsos à mundi  
perituri monstris, amores, ad spirituum cœlesti-  
um imitationem transformatos, inaccessiblei suæ gloriæ faciat  
finitimos, & in jugi suæ Bonitatis contemplatione defigat.  
Quid enim hic fastiditis terrenæ felicitatis affectibus, cupiat,  
capiatq; plena cœlo, Deoq; anima? quæ necdum mortalitatis  
expedita nexibus, mentium immortalium dulcedinem deliban-  
do, adhuc in terra, non terrena sapiens, supernæ suauitatis parti-  
cipio beatur. Quamuis terrâ indignus animus, in varietate,  
& pulchritudine creaturarum, DEI virtutem creatricem stupet;  
in temporum alterna vice sibi succedentium ordinem perpen-  
dit; in diuersarum conseruatione naturarum, admirandam  
Prouidentiam suspicit; in vniuersi gubernatione Sapientiam  
considerat; nonnisi vestigia Diuinitatis tenet, per quæ ad Bo-  
nitatis illius cognitionem promouetur. Audeat suæ cœlestis  
indolis conscia mens maiora homine! & per tam speciosa quæ  
terras, cœlosq; implent, vniuersi spectra, cluctata, immensos  
cœlorum orbes pedibus subigat; ignium flagrantēs superet  
D Sphæ-



Sphæras; limpidissima quæ circumfluunt Empyreum, ad cristalli solidi formam, enatet rosaria; contempta cœlestis harmoniâ, cœlestisq; globi, ad Supernæ Diuorum ter beatæ Domus peruadat adyta, jamq; terrâ, cœloq; major, in æterni, & immutabilis Boni possessione conquiescens, beatam sibi illo fruendi imponat necessitatem. Quis inde suam consummatam felicitatem metiatur? sic insertus cœlo, nondum cœli Coronas tenet, si quid in exilio terrenæ patriæ, quod eum à tam dulci, beatitudinis participio retrahere potest, relinquit. Grauat inquilinos cœlorum animos, humore terrenorum affectuum, ad illicita defluens corporis gleba; eademq; viâ, qua Spiritus Princeps apostata à Coronis gloriæ ruit, affectu diuiso labitur, quia non coronatur quamuis vicina DEO, virtutis propriæ, & Beatitudinis præsumptio, nisi gratiæ superioris adminiculis fulciatur. Hic Duce, comiteq; gratiâ, immensus, mundi triumphator exercitus, cum cœlo Deoq; natas, maturasq; liberauit Animas; & corpus à sæculi contagio putum, voluntaria castigatione extenuatum; aut passionis cruentæ sanguineo lustratum profluvio, gloriosaque Martyrij victoria decorum, æternitati beatæ in hostiam dedicârunt. In sublimi adeo securitatis fastigio collocârunt, immortalis Beatitudinis Candidati, suam virtute partam felicitatem, vt nec mundus conatus sit fraudibus appetere vt falleret; nec principatus inferorum impugnare præsumpsit vt perderet; nec inuidere mors, vt cum vita auferret; nec demum annosi temporis clades impedire, vt gloriosam illorum in sorte Sanctorum, memoriam obliteraret, quos inter Electum, Dilectumq; cœli Populum, supremæ felicitatis gloriâ coronandos, æternum absq; creati consilij suffragio, Diuinæ mentis decretum præordinauit. Latent adhuc aliorum ad supernæ Beatitudinis partem, prædestinatorum, Electorumq; Coronæ, at hodierna dies Triumphales, ex Victoriæ merito, in Poloniæ cœlo, vestras mundo reuelauit Coronas, Victrices Cœlo Natæ, Martyrio renatæ Animæ, Inclytissimi, & gloriosissimi Martyres, Clari Montis Hospites HONORATE, & CANDIDA! quas cum diutius Cœli secretorum conscia Vaticana, in Christi Successore, Authoritas, veluti Thesaurum inastimabilem seruâisset, cœlo ita rerum locorumq; momenta disponente, Poloniæ ad venerationem concessit, vt publico vestro cultu, Tutelam



telam in aduersis, Patrocinium in desperatis, Suffragium in ambiguis mereretur. Anniuersaria dierum recurrentium vicè, decantatas in Ecclesiarum choro, inter Coronatos Victorum Martyrum Exercitus, audiuit, amauit, laudauitq; memorias; atq; cum auribus, & oculis vsurpasset, amassetq; Honorata, Candidaq; Nomina, hodie in publicum exposita veneratur, & in triumphali solennitate, affectuum gestientium loetitiam, completitur & Corpora, vt Electorum ab æterno Coronas in Ecclesiæ triumphantis Capitolio cum recolit, & in Militantis Candida purpurataq; acie, Sanctorum loetitiam, meritis, & gloria coronetur. Atque ideo si Elegit nos D E V S ante mundi constitutionem vt essemus Sancti; Sanctitas Electionis ab æterno certitudinem firmabit, meritis perseuerantiæ coronata, quæ nullo vitiorum inquinata confinio, ad imitationem naturæ cœlestis initiatur. Iam tunc Vestræ Electionis æternæ, veluti in primæ lucis exortu, occasum visura nunquam, affulgebat claritas, cum in vitæ innocentis decursu, magnis meritorum profectibus adolescebat Sanctitas.

## A R C A N A.

Extra Oracula, Tripodes, Cortinasque,  
In Trinitatis Arcano Secretum est;

*Quod in Libro vite Diuinus Pollex exarauit,*

*Nec legere, nec corrigere,*

*Nisi qui scripsit potest.*

Non Literarum, sed virtutum elementis

Qui nauauit operam,

Imitatur hujus characteres Libri:

*Neque tamen legit oculis,*

*Nisi cui à communi tributo mortis absoluto,*

*Singularis beate lucis fruitio caliginem deterfit.*

Quippe idem hîc est & scire legere,

Et se consummatè beatum intelligere.

Tamen qui nondum suæ Electionis Nomen audiuit,

Aliquod illius tenet omen,

Si virtutis continuum exercitium, veluti Electionis rudimentum tenet

In Beatitudinis æternæ Diuis Comprehensoribus

**HONORATO & CANDIDA,**



Tuæ Electionis habes Imaginem,  
Quæ nunquam nota mortalibus est,  
Quamdiu ignoro vitæ pendes ab exitu.  
Ergo.

## Iudicia diuinæ Electionis non scrutanda.

### I.

**E**Xpansa cœli lumina,  
Solesq; Cynthiaque,  
Orbes superni lucido  
Cum siderum senatu,  
Pulchrum, fideli, panditis,  
In ordinis recurſu  
DEI Potentis Gloriæ,  
Et Gratiæ theatrum!  
Eheu! gementium lœditis  
Mortalium querelas,  
Dum ſede mota luditis  
In Nubilo pupillas!  
Saliſ laborat naufragum  
In lacrymis ſerenum.

### II.

Fruſtra dici lampada  
Aut noctis increpamus,  
Lucem quod orbi nubilo  
Offuſa non miniſtrent.  
Aſcende Solis eſſedum,  
Lunaq; ſcande bigas,  
Quo te planeta curribus  
Præluſidit leuabunt!  
Reſuſa te quid orbibus  
Immènſa lux beabit?  
Later ſecretum ſtelle  
Quod fornices recondunt,  
Hic æuiternos omnibus  
Scripſere fata curſus.

### III.

Quæcunque cœli Numinum,  
Aut Luminum phalanges,

Domos,



Domos, Gyrosque cedite,  
 Et orbitas Olympi!  
 Tollam polorum cardines,  
 Et duplicis colari;  
 Rimas agente siderum  
 Regno, quod ære fustum,  
 Vel sic licebit abditum  
 Proscenium tueri,  
 Quod alta summi Regia  
 Complectitur Tonantis!

#### IV.

Quid Erro cæli stelleos  
 Diuagor inter ignes?  
 Ut quid secretum radio  
 Perscrutor inquieto?  
 Meridiani sideris  
 Illustre lumen orbis,  
 Impunè nanquam leditur,  
 Quin palpebras corusco  
 Perstringat igne, & limpidas  
 Reuerberet pupillas!  
 Sic curiosa leditur  
 Mens dum cupit videre  
 Arcana Numen proprijs  
 Qua seruat in thesauris.

#### V.

Et quem requiris Arbitrum,  
 Aut Consilii ministrum?  
 Nobis Tuorum perferat  
 Qui sensa sanctionum?  
 O quàm timenda consilij!  
 O quàm colenda! quamq;  
 Amanda sunt mortalibus  
 Tuae Secreta mentis!  
 Decreta cum non noueris,  
 Nec noscet ullus unquam,  
 Aeternitatis vendicet  
 Quem pœna, quem Corona!



## VI.

De torque cælis aurea  
 Demissa Sanctitatis  
 Docebat olim formulam,  
 Et Mater, & Magistra,  
 Fides suis fidelibus  
 Suadendo cæcitatem,  
 Ne curioso sensuum  
 Palparet illud ausu,  
 Quis, quod polorum cardines  
 In abdito recondunt.  
 Vnum reuelat anxio  
 Solatium fidei,  
 Quidquid serenis orbibus  
 Conclauium Tonantis  
 Felicitatis clauditur.  
 Mortalis esse totum.  
 DEI Secreta iugiter  
 Amantis, & Timentis

## VII.

Electiois gratia HO-  
 NORATE, gloriæque,  
 Illustis in victoria,  
 Quando explicas trophæa, &  
 Inter triumphos CANDIDÆ  
 Candoris innocentis,  
 Et Victoria Clarior  
 Serenitas coruscat.  
 Votis datura Lechicis  
 Felicitatis ortum.  
 Quam gloriôsè gloria  
 Fulgetis in Coronis,  
 Victoriarum Laureis,  
 Et Aureis decori!  
 Vestris Coronis pandite  
 Protectionis umbram.

INSCRI-



## INSCRIPTIO II.

Coronæ in tempore vocatorum, In vocatis  
ad Coronas Diuis Martyribus  
HONORATO & CANDIDA,  
Felices.



Vos prædestinauit, hos & vocauit DEVS; vt æterni consilij decretum ante tempora præfinitum, impleret in tempore, quod, Electos ad fidei rudimenta vocandò reuelauit. Non postremum est Diuinæ dignationis momentum, quod oblatum gratuito, si quis affectu minùs grato complectitur, in Diuinæ naturæ clementiam, ac in seipsum injurius, se reprobationis reum testatur. Erat quondam Antonio Magno latè longèque projectus terræ ambitus, spatiosa Maria, immensi cœlorum orbes, lucidus majorum, minorumque siderum senatus, Syntagma Encyclopædiam referens; hîc Sapientiæ cœlestis Alumnus, Cœliq; Candidatus, admirabiles, nec felicitate cujusuis ingenij interpretandos characteres legit, in quibus ad meliorem è terris in cœlum sortem, Vocationem suam intellexerat. Patent omnibus cœli terræque tabulæ, in quibus Sanctorum Scientiam, cùm DEI formauit, firmauitq; dextera, per tot, in silentio sat eloquentes Oratores, creaturas visibiles, veluti cœli terræque linguas,

*Proiectas in terram animas, cœlestium inanes,*

ad suæ beatitudinis participium DEVS euocat; & quasi non satis esset offerre vocationis illicia, robustiora adhibet incitamenta, quæ suauiter innodatam ad obsequendum, pronæ voluntatis indolem, trahant. Aliquando (ex Homeri commento) summus Deorum Rex, catenam cœlo demiserat, vt terrestres Deos, in suæ cœlestis beatitatis consortium attraheret. Arbitratur dedita terrestribus oblectamentis Deorum turba, nihil supra cœlorum orbes inueniri, quod cum solatiolis terrestribus posset in comparisonem aduocari; quamobrem demissis in terram torquibus, siue supernæ habitationis inuidiâ, siue suæ terrenæ beatitatis præsumpta felicitate, ad terrenum, Iouem detrahere, conabatur consortium. Nondum adeo terrestres



deliciæ roborauerant vires, vt Coelestium Patris præualentes conatibus, illum ad terrenum inclinarent commercium, nam torques in cœlum tracti, miseros, ac falsæ beatitatis opinione delusos, in terra Deos reliquerunt. O fatua Numina! terrestres, mortalesque Dij! quid vobis felicitatem in terra mentimini! quid vanis inflati honorum spiritibus tumescitis? quid vobis cum terra, quos cœlum heredes petit? Certè quot gratiarum illicia, tot pretiosos torquium orbes cœlum nectit, qui successionem sibi coherentes continua, & à fine vocationis, vsq; ad finem vitæ consummationis attingentes, imò vtriusque circumvoluentes æternitatis ambitum, non minùs fortiter, quàm suauiter trahendo, placidâ dominantur, violentia mentibus quæ tantum coelestibus, æternisq; appropinquant, quantum supernis vocationibus obsecutæ, à caducarum rerum affectibus elongantur. Maiores mundo, ideo cœlum, non mundus, olim Cœli destinato ciui metatur brauium, ad quod, vt ad Hereditatem, cum rationis vsu non pollentes paruulos Competitores, cœli gratuita dignatione adjuta transfert indoles; quos in transuersum agit præceps cupiditatum impetus, cœlum vocat, sub triumphalis Coronæ schemate, totius summam felicitatis complectendo. Caligantem, errantemq; per fucatas prosperitatis temporaneæ scenas, intellectum, serenissimo suæ dum illapsu gratiæ collustrat; & voluntatem tranquillis, ac dulcedine quadam contemperatis vehementer mouet, promouetq; affectibus, dumq; non torpentem ad incitamenta vocationis indolem repererit, vltiorem comitatum offerens, post emensum vitæ, virtutisq; stadium, victorem in meta coronat. Atque ideo si vocationi obediendum, quid rebus perituris mentem applicas? refeca cupiditatum retinacula, viator es: Currendum est, depone Sarcinas, stadiodromus es: ad Patriam tendendum; proijce post tergum omnia Exul es. Trita est ad brauium, Coronasq; via; nota est, quam tot antecedentes cœli Candidatorum exercitus, dum intrepido calcassent vestigio, arduam antehac, asperam, & difficilem, obscuram, abstrusamq;, Heroicis exemplis, ad imitationem perfacilem, illustrem, notam, complanatamq; effecerunt. Vestram hodie in obsequendo vocationi promptitudinem, dum remuneratur cœlum, & vestra imitationi terris reliquit vestigia, cœlo debitæ, deditaq; Animæ.

Coronat



Coronat Tuam sociali Demetrii, & Flori merito, in obsequen-  
do patefactæ fidei alacritatem, & constantiam, æternitatis Lau-  
rea, in proprii Sanguinis trabea ad Regnum vocate HONO-  
RATE, Martyr inclyte, qui vocatus, fidei q; adlectus, dile-  
ctusq; populo, Triumphantis, & Militantis Ecclesiæ choros co-  
ronasti. Recolit propensionem Tuam, ad fidem amplecten-  
dam Ecclesia, Illustrissimum & Candidissimum Romanarum  
Matronarum Sidus, CANDIDA, Martyr inuictissima! tot-  
que Tibi cœlum referre tenetur æternum Laureolas, quot e-  
xemplo, hortamentisque Tuis, è numero domestice Tuæ  
familiæ cætu, cum Artemio Coniuge, Paulinaq; Filia, ad Mar-  
tyrii laureas immarcescibiles aduocasti. Æternæ felicitatis  
Fecialis, Christi Confessor, Martyr q; Petrus, Fidem Tuæ inue-  
xit Domui, nec diu Diuinæ vocationis interpreti, cunctandum,  
laborandumq; fuit, dum Tu tacitis gratiæ vocantis obsecuta  
nutibus, Te tanto beneficio dignam præstitisti, cujus exemplo  
tota salutaribus vndis à Marcellino Presbytero lustrata Domus,  
Te proprio merito sat Candidam, suæ fidei in Tuum exemplum  
refusione fecit Candidissimam. Ad Brauium vocationis Co-  
ronati dum quiescitis, & Stadium decurrentibus fauete, meri-  
torumq; Suffragio, Clientum vestrorum ad Coronas cursum  
promouete.

## MONITORIVM.

Viatores ad Metam cùm vocat DEVS,  
Prius implet aurem voce, quàm rebus oculos.

*Ità Salutis initium in aurium sensu posuit,*

*Vt hac insinuentur in cor arcana fidei:*

Nec oculis tantum creditur;

Qui cùm illecebrosa veritatis falluntur imagine,

Sensus alios in consortium erroris trahunt.

*Commune viatorum est malum, Error;*

*In hoc discrimen proprium amat,*

*Qui ad vocantis vocem aures obturat.*

Per sensum auris, sensum cordis explorat DEVS,

Suavius sine voce rebus, ad beneficium, errantes, vocans,

Desiderium sui cùm intendit,

Terrenorum remittit.

Efficacius vocans,

F

Euocat



Euocat ad excessum sui;  
*Quia nemo vocanti obedit alacrius*  
*Quàm qui sui, suorumq; obliuiscitur,*  
 Salutare quandam inducit phrenesim  
 Vt sui suorumq; obliti,  
 Ad brauium non tam sequantur, quàm ferantur.  
*Ariadnam hic agit Gratiæ*  
 Continuo fibulatam nexu auxiliorum succellionem porrigens,  
 Vt Labyrinthi extricatos erroribus ad Deum reducat,  
*Qui Meta Sanctorum est, & Corona.*  
 Sperne jam Deos viarum monstratores in triuijs;  
**Vbi HONORATI & CANDIDÆ**  
 in purpureo sanguine Martyrum relucens Candor  
 Viam Honoratam sternit.  
 Vocantis nutum sequentes docent exemplo  
*Quòd non meretur Patrimonium celi,*  
*Qui se in terris heredem scribit,*  
*Et in exilio patriam fundat.*  
 Hinc disce:

Beneficio vocationis DEI, Sanctorum  
 Martyrum exemplo  
**HONORATI & CANDIDÆ,**  
 parendum.

*Q*ua Vox dulcifono mihi carmine verberat aurem?  
 Vox Citharæ, præcordia mulcens.  
*Qualis Threicijs vatis restudo sonabat.*  
 Cum Sygij produxit ab umbris  
 Euridicen: qualis Thebarum Pergama struxit,  
 Accentum celeberrima portis.  
 Nec vox Phæbe tua est. Musarum haud creditur ulla  
 Tam grata cecinisse etraula.  
 Scilicet hæc vox est summo quæ fertur Olympo,  
 Vox lazarum diffusa per orbem,  
 Hanc animat vocem communis cura Salutis,  
 Vox Clamantis, vox & amantis.  
 Vox sine voce loquens cordi, cogensque monendo,  
 Ne capiat fallacia sensus,  
 Impediatq; sequi, sequimur dum iussa vocantis,  
 In miseram retrahendo ruinam.



*Lux Fidei, atq; DEI, si non infulsit amœna,  
 Aut ærumna caligine pressit:  
 Cymmerijs error si te circumfluit umbris,  
 Si tendis vel mortis ad umbras:  
 Si casum pedibus parat atri ianua Ditis,  
 Quo præceptis occasio trudit:  
 Blanda voluptas suis si fraudum cassibus ambit,  
 Arcta animo retinacula neclens:  
 Errantes hæc vox fidei perducit ad ortum, &  
 Diuinos instillat amores.  
 Hæc vehit amissum cordis, mentisq; serenum,  
 Hæc & mortis dissipat umbras  
 Hæc vocat ad cursum, stimulat, vocemq; sequentes  
 Elysios transmittit in agros.  
 Grata bonis, inuisa malis, inimica superbis;  
 Ac durè oblectantibus horrens.  
 Audit HONORATVS vocem, sequiturq; præitq;  
 Ad supremi culmen Honoris.  
 CANDIDA Patricios Romæ proculcat honores,  
 Candidior Virtutis Honore.  
 Dispare sint quamuis Patrias non dispare passus  
 Per ferrum, lapides, per & ignem.  
 Per saeuam mortem, cœlorum ad Regna vocati,  
 Contendunt prensare Coronas.*

## INSCRIPTIO III.

Coronæ Nominatorum,  
 In Nominatis ad Coronas Diuis Martyribus  
 HONORATO & CANDIDÆ  
 Auspicatæ.



D pulchram, euocauit contemplatorem  
 animum; calamumq; augusta Vestrorum Nomi-  
 num maiestas, considerationem, HONORATE,  
 & CANDIDA Martyres Inclitissimi, Decora Ho-  
 noris, Candorisque Nomina, cum ab Honore passionis, Can-  
 doreq; innocentis vitæ, quo cœlum, terramq; impleuistis, pon-  
 dus desumunt, vanam in appellatione, fucati verborum ap-  
 paratus assentationem non admittunt. Et hæc quidem, ho-  
 norifica, sinceraq; ad fidei veritatem, & intrepidæ Confessio-



nis fortitudinem, vel sanguinis liberali consignandam profluvio, incitamenta, dederunt Nomina, ut mens contemptrix terrenorum, suæ indolis, ad Virtutem, & immortalitatis gloriam natæ, conscia, eò per heroicos, Virtutum, Fidei, Confessionis, & Passionis actus auderet peruadere, quo augustorum sensus arcanus Nominum, magnis Honoribus Candoribusq; cœli destinatas, terrenorum, tyrannorumq; triumphatrices Animas prouocabat. Celeberrimus olim Græcis, Romanisq; fuit Nominalium dies, in quo filijs, magna ad votum, ad familiarum propagationem, & ornamentum, augusta, rerumq; eximiarum prænuntia, imponebantur Nomina; accidit tamen non infrequens, quod abortiui à majorum virtute, Sanctis moribus, Paternarumq; institutionum desertores filij, maiestatem Nominum, & significationem, indignis, ac indecoris, vitæ, in omnem projectæ licentiam, actibus profanando, majorum expectationem fallerent, partemq; virtutum heroicis actibus, antecessorum gloriam incestarent. Cœlum, credo quidem, terra ad secreti commercium non admissa, festum celebrauit Nominalium vestrorum diem, cum vobis Honoris, Candorisq; auspicata concessit Nomina, Vestræ felicitatis præsaga, quam vobis, ad plenam significationis mensuram conferre præfiniuit. Certè si (ut prodit Lampidius) *Nomina insignia onerosa sunt*, ut quod Nominis fert significatio, prosequatur conatu heroico in defessa virtutis exercitatio, ne dum nudi Nominis Laudem, Honorem, Decoremq; aucupamur, & circumferimus, iustum vel ab exprobratore cœlo terraq; ob violati Nominis reuerentiam, conuitium sortiamur. Quamuis exactore nullo, monitoreque egeat, suapte natura ad virtutis amorem, rectiq; tenacitatem propendens generosus animus; tamen à cœlis hortamenta suscipiens, & in virtutis torpentes cliuo, ad iguominiam, dedecusq; damnatos relinquens animos, cognata Superis indole, iustum pulchro Nomini tributum pendit. Singularibus personis Nomina ab aliqua proprietate, vel operatione semper imponi, Lux & Norma Doctorum asseruit D. Thomas Doctor Angelicus; aliter vobis cum egit secretum Diuinæ mentis consilium, quod ante proprietates innatæ virtutis, ante operationes, quibus imponi vobis deberent Nomina, oculis, aut auribus Mortalium vsurpa-



tas, præclaris futura vestra merita insigniuit Nominibus, ut non casu quodam, ex hominum arbitrio, at è præfagiente virtutes, & merita cælo, aduenisse credantur. Non venit vnquam in vos Nominis violati probrum, ut audiretis (quod nonnemo illustris prærogatiuam Nominis vitiorum turpitudine dehonestans audiuit) *Aut Nomen mutato, aut non esto!* in Christianorum nonnullorum confusionem vergens, in quibus nonnisi nuda Christiani Nominis appellatio cum pateat, se cum Religionis probro Pseudochristianos ostendunt, qui fauoribus tanto inimicas nomini sectas dignati, & amoribus, & moribus imitari non verentur. Iusti in vobis possessionem Nominis, Virtus, & Innocentia, Honor & Candor demonstrat. Nam secundum Illustrem Sanctitatis, & doctrinæ merito Patriarcham Ierosolymorum Cyrillum, *Sicut Dominum prædiorum tituli affixi proloquuntur, ita Nomina ipsa Sanctorum merita indicant*: quis tam criticus Nomenclator, & exactor erit, ut vestrorum Nominum præfaga omina in censuram trahat, quos cælum hodie & ab Innocentia Candidis, & à gloria Martyrij Honoratis Coronis, & in terris hodie publico triumpho coronat, tamq; pretiosorum Nominum vocabula, Vobis in temporalem, æternamque concessisse gloriam gratulatur.

## NOMENCLATURA.

Cum alijs carò plerumq; veniant præclara Nomina,

Nec vobis concessa gratuito

Nominum, & ominum Inclyti gloria

## HONORATE & CANDIDA.

Illustria in illis ornamenta cum cælum congesisset,

Ad amussim etymi, factis pulchram significationem addidistis;

Non nudi heredes Nominis,

Æterno Honori cognatus Honor, æterno Candori Candor,

Et gloriæ, & Lucis fecit filios,

Quos ut ad Coronas initiaret & Sceptra,

Candidam Innocentiæ trabeam, in Sanguinis purpurisso tinxit;

Secura per ignominiam viâ, ad Honorem prouehendo.

Impleuistis & hîc mensuram Nominum,

Vbi beneficio præsentiae vestræ infamia tribunalia dignati,

Ignomiâ, Carceres, & Vmbris absolulistis.

Hoc Honoris, illud Candoris Tui donum est



## HONORATE & CANDIDA.

Quam ut in toto Candidam credas,  
Probat non inducta ex nidore fumantium  
Idolis victimarum fuligo.  
Illustriorem in Ea Candorem intueri si desideras  
Tunc illum ostendit liberalius,  
Cum fidei meritum, Coronasque suæ non incidens familiæ,  
Fidei Confessores, Tyrannorum victores fecit.  
Serenus Præfectus, umbrarum mancipium,  
Principis tenebrarum, pro tribunali opus peragens,  
Illustris Serenitatis Nomini probum cum adpersisset,  
Vestrum illustravit Candorem.  
Illustrioribus hodie incrementis fulget,  
Vbi in vno triumpho commercio  
Candori Honor, Honori Candor  
ancillatur.  
Hic vide quomodo

Illustrium Nominum Sancti Mensuram  
implent.

D. HONORATVS, Honoris Author,  
& Auditor.

**N**omen Honoratus, pulchro præcellit Honore,  
Ex quo scribitur Nomine Nomen, Honor.  
Vicit Honoratus mundum, gladium, atq; Tyrannum,  
Quid non obtineat præmia Victor Honor?  
Ditat Honoratus meritis cælumq; polumq;  
Et Lechiam proprio Corpore Diues Honor.  
Sponsat Honoratus cælis Animam; Lechiæq;  
An non concesso est Corpore Sponsus Honor?  
Candet Honoratus Sanctorum luce refulgens,  
Hoc est insignis lumine Candor Honor.  
Vivit Honoratus vitæ meliores, locoq;  
Tempore ut aeterno, dicite, vivat Honor!  
Dulcat Honoratus fastidia mentis amara,  
An non mella fluit dulcia Dulcis Honor?  
Mundat Honoratus reprobi contagia mundi,  
Nec mundi adpersus pulvere Mundus Honor.  
Ludit Honoratus Palmis, Luditq; Coronis,  
At mundi illudit præmia lusus Honor.  
Scribit Honoratus Lechiæ diploma, Salutem,  
Fulgeat in pulchro sanguine Scriptus Honor.



*Nubit Honoratus Cælo, sed sanguine nubit  
At nunc est Patriæ, Corpore Nuptus Honor.  
Claret Honoratus claris nostro orbe triumphis!  
Montis erit Clari in culmine Clarus Honor.*

## Nomen & etymum D. Martyris

### C A N D I D Æ

*Inclytissimæ Heroinæ, Senatoriæ dignitatis Ro-  
manæ, illustre.*

*C*andida Candidior titulis, & Nomine, quando  
Virtutum meritis Candida Gemma nites.  
Gemma nites, sed jam Claro cum in Monte quiescis,  
Nunc inter Palmas Candida, Palma vires.  
Palma vires, Cælos sublimi vertice tangens,  
Hic inter Stellæ Candida Stella micæ.  
Stella micæ, Stellis nostro clementior orbi,  
Influxus tribuens Candida Luna nites.  
Luna nites; terris Candorem quando refundis,  
Sarmatiæ cælo Candida Candor eris.  
Candor eris Superis placitus, Virtutis amatur  
Candor: & hic cælo Candida Rachel eris.  
Rachel eris, quam forma, pudor, quam gloria genti  
Ornat Romanæ, Candida Pulchra nimis.  
Pulchra nimis summo placuit quæ chara Tonanti,  
Si Virtute places Candida, Nimpha places.  
Nimpha places, Latæ quondam lux inclyta Romæ,  
Nunc Montis Clari Candida Verna Rosa es  
Verna Rosa es: verum lapidum repetita, Tyranni  
Fulmina non metuens, Candida Laurus eris.  
Laurus eris, Phæbo quondam dilecta, Supremi  
Nunc inter Sponsas Candida Sponsa DEI es.  
Sponsa DEI es; Sceptri, proprio redimta cruore,  
Et Regni Consors, Candida Regna foue.  
Regna foue Lechiæ, Lechiæ quæ Sceptra gerenti  
Grata es, Nunc famulis Candida grata Lechis.  
Grata Lechis meritis; meritis opulenta, fouebis  
Diuitijs Patriam Candida Diues opum.  
Diues opum cum sis Regnum Regemq; fouendo  
Sic Clari semper Candida Montis Honos.



## INSCRIPTIO IV.

Coronæ ad Tribunal Fidei Confessorum,  
In Confessoribus Fidei Diuis Martyribus  
HONORATO & CANDIDA  
Illustres.



**A**D illibatæ Fidei Confessionem, euocant  
Vos Tyrannorum tribunalia, gloriosissimi æuiternæ  
Competitores Laureæ, HONORATE, & CAN-  
DIDA. Rigidam, seueramq; necessitatem imponunt, vt ad  
Sacrilegorum transeuntes obseruationem, rituum, falsorum  
cultu Deorum contaminati, Fidei Deoq; renuntietis, aut vitæ  
bonorumq; iacturam patiamini. Fidem Baptismi Sacramen-  
to pactam, requirit DEVS, cuius desertionem artificij terro-  
re, & minis extorquet Tyrannus. Perfidiæ contemptu Fi-  
dem intaminatam offerte DEO, primum, ac principale ve-  
stræ Confessionis libamen, & hoc inter potiora vestræ felicitatis  
munera computate, quod vos Fidei, Nominis, Honorisq;  
sui Tutores, ac Propugnatores præordinauerit, vt illi sine vl-  
lo potentiæ Sæcularis pauore, serena fronte, libera voce, ani-  
mo intrepido, sincero pectore, testimonium proferretis. Pro-  
fiteri ex Sancto, rectoq; conscientiæ dictamine tenemini; no-  
stis non sine æternæ vitæ, honorisque vestri nociturum dispen-  
dio, si negaueritis: nec enim siue hoc testimonio, Martyris  
gloria consciscitur, nec pulchra tam augusti significatio nomi-  
nis adimpletur. Sanè dignam indole vestra, in hoc Confes-  
sionis theatro, aperuistis cœlo, terræque Scenam, vbi illustre  
Fidei certamen susceptum, Vestram ad Coronas, & Martyri-  
um, heroico ausu prouectam ambitionem promouet, & ma-  
gnis, in Ecclesiæ triumphantis, ac Militantis, cœlo, Honori-  
bus æternis adlaborat. Quamuis inter vtriusque præclari no-  
minis significationem vsus discernat Ecclesiæ, & illos Marty-  
rum dignatur appellatione, qui violentam pro Christo mor-  
tem oppetere non reformidantes, triumphales sanguine suo  
tinxerunt sibi trabeas, temporalis vitæ dispendijs, ad æternam  
translati; & hos titulis Confessorum insigniuit, qui cruciatus,

inter



inter minasque mortis Fidem, Nomenq; salutare Christi profitentur, ejusdem assertionis gratiâ, subire mortis sententiam parati: vtrumque honorificum adeo Nomen vobis concessit cœlum, quod vos per primam Confessionis victoriam, ad Martyrij Coronas initiauit. Quid vobis audaci confidentia, laudatque præsumptione à Deo polliceri salutem non potestis, qui DEI Confessionem saluti vestræ prætulistis? Nunquid non pulchrum Cœlo spectaculum est, inter formidanda crudelitatis instrumenta, liberum, suiq; dominum persistere, & ad repetitas, vaferrimis fucati sæculi præstigijs, lenociniorum illecebras, aut exquisitum fero ingenio, tormentorum apparatus; inter sonantium armorum terrores, inter frendentium belluarum rictus, adamantis instar durari? Pone ante oculos Cœlestium Procerum admiratorem Senatum; victorem Martyrum Exercitum spectatorem, totumq; cœlestem populum, ad Coronas suffragatorem intuere, demum, & DEVM Confessionis Coronas decernentem cogita, & incomparabile cum præmio Confessorum inuenies, quidquid pretiosum, quidquid magnum, quidquid præcellens, & eximium mundi felicitas habet. Frangat violentia tormentorum corpus, non confitendi libertatem; tollat vitam, non animam; amplas possessiones eripiat, non innocentis vitæ meritum; tollat omnia, non DEVM. Tantum interest Fidei testimonium dare, quantum vitæ æternæ pretium potest æstimari sed & si acres per atria tyrannorum, curiosior oculos animi circumferes, videbis olim inter justos, ad duram quæstionem excipiendam, coram tribunalibus, & impios, considerato, æstimateque Confessionis pretio impulsos, stetisse, vt, qui antea aut factis, aut verbis, metu compulsi, fidem negauerant, Christiani confessione Nominis, ad sperfam fidei labem detergerent, sanguine deinde profuso liberalius eluendam; itaq; lustrati, inter fulgentem Sanctorum gloriâ, Cœlestium Procerum Senatum, infererentur. Primum Confessionis adepti munus, Martyrij Laureas, hodie in recapitulationem, sic partam terræ dedistis gloriam; vt in veneratione vestra, inde merendi sumeret initium, vnde vos cœlestis beatitudinis fruendi gloriâ, premium inchoastis.



# THEOREMATA.

Honor Candorque Ecclesiæ,  
In vestræ fidei Confessione euasit illustrior.

Ad duram Quæstionem vocati  
Vno omnia Arcana Fidei, soluistis, & confirmastis verbo:

**Credo,**

Quod omnium Fidei Quæstionum nodos,  
Aut soluit, aut ligat.

Cuius Palæstræ essetis Discipuli

In rigido coram Tyrannis, cœlumi, explorauit examine,

Hoc ad vestram prærogatiuam pertinere visum,

Quos Fides ad Coronas debuit promouere.

Magistri, qui corda docet, dignitatem ostendistis;

Vestro liberè profitendi Magisterio,

Cujus primum Candida rudimentum dedit, in domesticis;

Quæ dum candoris cœlestis illapsa fidem suscepit,

Facta est Filia Lucis,

Dumque in familia eandem notam, & illustrem fecisset,

Facta est Mater Sanctitatis.

Coram Tribunalibus,

Pro DEO, & pro Vestro Honore, & Candore perorastis,

Adeo cum pari nexu & vester & DEI Honor fidesq; Candor, fœderatur.

Pro Christo, Fideq; verba non dare non potuistis.

Qui pro eodem vitam profudistis.

Primum hic Martyres DEO obtulistis libamen

Quod est à Confessione Fidei

Secundùm quod à Sanguinis profusione est, consecrastis.

Ex quo

In Confessione Fidei Sanctorum Martyrum  
**HONORATI & CANDIDÆ**  
Constantia.

**Q**uem nata cœlo progenies, suo  
Concessa terris flexanimis Fides

Dignata præsigni fauore

Constituit lateri propinquam;

Vt insolenti cedere turbini

Immota cautes nescia, culmine,

Perdurat in alto, furentes

Despiciens per inane Cauros:

*Aut*



Aut aëluosi per medium maris  
 Rupes refringens praelia fluctuum,  
 Thetynq̃, Doridemq̃ seuam, &  
 Oceani superat tridentem.  
 Sic obstinato robore fulmina  
 Temnunt minarum quos Fidei entheus  
 Durauit ardor, sic repugnant  
 Magnanimi pugiles Tyrannis.  
 Propone Sphinges, atq̃ Sophismata,  
 Stoasq̃ vafro dogmate nobiles;  
 Noctesq̃ præclaras Sophorum,  
 Et Socratis resera palæstras:  
 Aut fortè plenis obuia Cornibus  
 Felicitatis funde crepundia,  
 Vitaq̃, fato longiori  
 Concilio famulas Sorores:  
 Quascunq̃ præbe mille Tyrannidis  
 Artes nocendi: mortibus expedi  
 Crudelitatis apparatus;  
 Aut Erebi trabe monstra claustrum.  
 Nunquam tenacem propositi Virum  
 Ab aequitatis deiciant grati,  
 Securitatis in theatro  
 Quem Fidei Clypeus tuetur.  
 Hac iusta fulget lumine, Martyrum  
 Confessionis gloria; prodroma  
 Victoriarum, quæ recenset  
 Absque dati pretio cruorū.  
 Hac prima vestra est, hæc Sapientia  
 Sic nosse pugnas, posseque vincere,  
 Et ante furestem Tyranni  
 Esse sui Dominum tribunal.

## INSCRIPTIO V.

Coronæ pro Vita, Vitæ Contemptorum;  
 In Vitæ pro Vita Contemptoribus Diuis Martvribus  
**HONORATO & CANDIDA**  
 Pretiosæ.



A est ad beatam immortalitatem aspiran-  
 tium animorum indoles, vt pro vitæ immortalis, ac  
 immutabilis sorte consequenda, non tantum bono-  
 rum temporalium, dispendia, ac ipsius quoque tem-  
 poralis



poralis vitæ iacturam, hilari excipiant animo, omniaq; in Fortunæ bonis detrimenta, inter præcipua emolumenta computent. Sic expediti, nec prægnantibus mundanorum desideriorum votis, dum seipsis maiores extra mundum, excussa terrenæ spei Sarcina, nuda mente, nudis affectibus ad Patriæ supernæ felicitatem feruntur, quis negabit illos ad beatarum mentium naturam propius accedere? illud sibi putant quàm proprium, non moueri caducis, perituris non inhærere, ad sempiterna festinare, & temporalis vitæ pretio, æternitatem vitæ mercari. Vestræ naturæ proprium est, conditioni consentaneum, votis fortunatum, affectibus dulce, æterno gloriosum nomini, Superis gratum: vitam æternam quærere, & temporalis amissionem lucrum putare. Sic extra mortalitatis conditionem erecti; in terris extra terram, in vita inter coelestium choros agentes, coelestem in terris conditionem imitamini; hinc merito sub Vestris pedibus mundus succumbit, terra cedit, amarescit vita qui ad hoc seruati estis, vt mundi, terræ, vitæque Vestræ Domini, mundo, terra, vitæq; triumphatâ, Martyrum, in passionis exercitio, & gloriæ commercio, dignitatem assequi possetis. Non modica hinc est felicitatis accessio Christi Passionum consortem existere, carere imminentibus in mortis liminè, animi tempestatibus, nec inter cruentam anxietatum in male conscij cordis arcano stragem, in communem cum cæteris sorte misceri. Illum sic morte Iustorum mori pigeat, quem male vixisse pudet. Ad ærumnas temporalis vitæ torpeat inglorius, qui se æternitati natum non meminit. Laudat vetustas Cleombrotum, qui cum Platonem Diuinum de animarum immortalitate legisset, immortalitatis cupidus, ambitione adeo pulchra permotus voluntariam sibi consciuit mortem. Liberali voce Calanum vnum ex Brachmanibus Indorum Philosophis, Cicero laudat, qui vt animum æterna beandum luce ad Superos transmitteret, non ingrata rogis infernalibus hostia, se cremandum in flammis præcipitauit. Par animi magnitudo in temporalis vitæ contemptu à Lactantio memoratur in Cleante Philosopho, ex cognitione animarum immortalitatis, æternitatis beatæ sortem ambiente, in Zenone, & Empedocle, qui



Deus immortalis haberi

Dum cupit Empedocles ardentem feruidus Ætnam  
Infiluit,

Vt projecto, crematoq; corpore Diuinitatis naturæ cognata mēs,  
extra mortalitatis ærurnas, limitesq; se transferens, beatitatis  
cœlestis commercio frueretur. Nonne & Romanæ Sapientiæ  
princeps Cato Ciceronis ore scriptoque laudatus, in animarum  
immortalitate, gloriosam nactus moriendi causam, sibi vitam  
ademit? At facessite contemptæ Deorum infernalium victimæ,  
quæ temporalem aucupando apud posteros famam, æternam  
vobis ignominiam comparastis. Alia ambitionis causa in Chri-  
stianis Athletis, quos ad contemptum vitæ quærendamq; mor-  
tem non vana æstimatio, sed Christianæ Zelus Fidei, beatæ im-  
mortalitatis retributio, Honor, cultusq; DEI accendit, qui mo-  
riendi quandoq; necessitatem præuenientes vitæ, mortisq; vi-  
ctoria, sic expositam non amittunt vitam, sed commutant;  
cumq; mortalium conditioni parendum sit, nec referat quid  
quam sicca ne per os in mortuali grabato egrediatur anima, aut  
per jugulum percussam gladio, hiantiaque vulnera, cruenta egre-  
diatur anima, vitam, animamq; non necessitati extremæ, at  
Virtuti heroicæ inuicti Pugiles, animarum vitæque, pro DEO  
contemptores, faciunt subseruire. Qui vel primis, immortalis  
vitæ dulcedinem delibârunt affectibus, nil ita appetendum, o-  
ptandumq; putant, quàm quotidianis cladibus, ruinisq;  
eripi, quàm exui malis mundi. Laudarem illorum veterum  
morem, qui natum ad vsuram communis vitæ, lacrymis exci-  
piebant, & veluti vita iam defuncto, vix nato parentalium so-  
lennitatem instituebant; mortuosque, communibus calamita-  
tibus exemptos in funeralis honoris pompa plausu, & gratulati-  
onibus lætabundi prosequiebantur; si cognoscere, aut suspicari  
liceret, ab ærurnis beneficio mortis, exemptos, intra sinum  
felicitatis æternæ conseruatos. Id solum est priuilegium illo-  
rum, quorum apud DEVM, in contemptu vitæ, cum grata ex-  
titisset, & mors pretiosa fuit. Posthabent præsentem vitam fu-  
turæ, & sibi in hoc tam augustæ naturæ commercio, versari  
tormentum putant, quos cœli amplitudo deposcit.



# T R O P H Æ A.

Cœlo Terræque,  
Nullus trophæum statuit illustrius,  
Quam qui de seipso triumphans,  
Ad cœleste Capitolium seipsum in triumpho ducit.  
Cùm plerumque Victoriæ pro vita conseruanda militent,  
Noua vincendi ratio, vitam sub jugum missam amittere,  
Hoc proprium Martyrum est,  
Qui potiozem vitam, non aliter quam vitæ dispendio comparant.

## Honor, Candorq; Cœlestis. HONORATVM & CANDIDAM

Ad Vitam vocat,  
Qua dignos se vitæ contemptu, fecerunt.  
Solis Nominibus pretiosam sui cœlis æstimationem ingesserunt,  
Vitæ contemptu auxerunt.

Docent;  
Non mereri illum, qui contemnere non nouit, vitam,  
Hanc enim terrenæ vitæ amatoribus cœlum legem scripsit;  
Nonnisi vitæ terrestres contemptores, cœlesti vita dignos haberi.

Amet viuâtq; vitam,  
Qui in vita sibi nihil, nisi Deum superesse cupit,  
Qui Vita est,  
Alioquin, si extra hanc Vitam tenebunt Cosmophilum hilares  
in vita deliciæ

Risum prouocabunt Sardonicum.  
Quos æternæ uitæ desiderium tenet,  
Illudere mundo, quam ab eo illudi malunt,  
Martyrum Exemplo,  
In quorum vita ne vile quidquam æstimaueris  
Qui & mortem ipsam  
( Quod Christianæ virtutis artificium est )  
Pretiosam fecerunt.  
Discimus.

Vel temporalis vitæ dispendio æternam  
mereri.

**E**rgo felicem facili vocatis  
Laude mortalem, cui nascituro,  
Astræ clementis radij tributum  
Lumine pendunt?



Ergo felicem popularis error  
Afferat: Regum cui Principumq;  
Inter illustres solium Coronas  
Iuno locauit.

Nec Deas dulces sinat otuari  
Gratias cælum: famula tenellos  
Alligent artus, roseoq; spargant  
Germinē cunas.

Et vel astrorum patriā beatum  
In Iouis magni gremio reclinem  
Nutriant paruum crocei Deastrum  
Nectaris usu.

Annuant annos fore delicatos  
Fata. demandent socijs Deabus  
Pensa pro vita diuturniore  
Aurea duci.

Dextera latas Orientis oras,  
Solis Occasum teneat sinistra;  
Pertinax Heres, utriusq; dici  
Gaudeat orbis

Seruiat summis Dea cæca iussis:  
Seruiat cælum, tenebrisq; tersum.  
Grandinet gemmis, famulumq; votis  
Depluat aurum.

Fallimur vanis. Cui scrupulosa  
Fata victuro posuere metas,  
Longius tristem, propiusq; tendit  
Mortis ad urnam.

Duret atates numerando mille  
Vita felici celebrata plausu,  
Quam brevis! cuius cadit ad supremam  
Terminus oram.

Somnium vitæ pereuntis odi  
Quam penes duro Libitina passu  
Præpes incedit, tenuisq; vitæ  
Territas horas!

Labilis vitæ pretio petenda  
Vita cui nullum dominetur æuum,  
Nulla cui iusto, senium, recurso,  
Detrahat atas.

Alitis vitæ placuit Beati  
Immori vobis stadio perennem ut  
Mortis indeptam pretio daretur  
Viuerē Vitam.



*Viuite aternam potiore Regno  
Martyres vitam! facit auiternum  
Vestro ubi vobis HONOR, atq; CANDOR  
Nomine Nomen!*

## INSCRIPTIO VI.

### Coronæ in Victoria Martyrum In Victoribus Diuis Martyribus HONORATO & CANDIDÆ Victoriosæ.



Am subseruit vestræ desiderio voluntatis, temporis necessitas, ad Coronas Vos deposcens, fortes in Victoriâ Martyres, HONORATE, & CANDIDA: Per ætatum, annorum, mensium, dierum, horarum, momentorumque cursum distincta, definitaque tempora, DEVS victoriæ nobis metatur campum; si ætates, Annos, Menses, dies, horas & momenta, in virtutis Christianæ cursu deproperamus. Nam si Virtutem Solem esse cum Platone asserimus, qui duodena quotannis de monstris cœli victoriâ triumphat; quid erit aliud annos viuere, quàm de monstris annua reuolutione impugnantibus triumphare? quæ nos cum ad vltiorum annorum cursum transmittunt, singulari nos dignari beneficio videntur. Verùm alia est Christianorum victoriâ, quæ non cœlestium monstrorum decursu, sed virtutis incrementis aut decrementis annos distinguit, & promouet; aut ad duriorum Virtutis impingentes cliuum, deiecit, moraturq; Ardua est Martyrum ad virtutem via, quam ille solus contemnit, aut refugit, qui viam ad Coronas, rosas constratam putat. At qui non à plena, crepanteq; laudum humanarum bucca, Victoriæ suæ, emeritæq; Virtutis testimonium quærit, per ardua plausus popularis theatra eluctatus, ad Coronas, in cœlestis Capitolij decretas arbitrio contendit. Sic ab vligine terrenarum consolationum, abstractus, à soliusq; cœli dependens fauoribus, quid cogitet aliud, nisi suis mundum subactum pedibus, & se quandoque mentium cœlestium consortio inferendum? Obijciantur feris corpora, ceruicibus



uicibus immineant secures, instrumenta crudelitatis torqueant, corpora membratim concidantur, aperta euoluantur viscera, in despumantibus feruenti resina, piceque lebetibus coquantur membra, ardentes inter laminas stringantur latera, ardeant in flammis, gelentur in frigoribus: mens tamen Diuinæ dignationis conscia beneficij potissimam in pœnis partem æstimat, sciens hinc suæ prædestinationis certitudinem pendere. Ideo inter funestos tormentorum apparatus, non frangitur, quem spes erigit, non cedit, quem durat gratia, nec quassato, lacurato, consumptoq; corpore mens tangitur, quam ad sui contemplationem, & perennium considerationem præmiorum, natura Diuinitatis extra rerum humanarum metas erexit. Nonne hæc est propria gloriæ Martyrum dos? Vestra est, in Regno Patientiæ victores, ac Triumphatores Reges, & Martyres HONORATE & CANDIDA! Illud profectò Romæ victoris elogium, solis Christiani Nominis propugnatoribus applicandum est: Et Agere & Pati fortia Romanorum est; Et agere & pati fortia Christianorum esse, ille solus dubitabit, quem in rerum terrenarum quisquiliis abjectum, extraq; merendi statum delitescentem, propria conditio ad ignominiam damnat. Hinc vestræ indolis conscij gloriosi Martyres, illud probrum detestantes, ad acerbitem tormentorum anhelastis, ut reciproca vice Sanguinem pro sanguine funderetis. Iusti esse non potuistis, aut DEO credere, si pro eo Sanguinem fundere metuissetis, qui pro vobis fustum toties, in alijs Martyribus meministis. Lapidabatur in Stephano, Crucifigebatur in Petro: gladio feriebatur in Paulo; vrebatur in Laurentio; leonum dentibus comminuebatur in Ignatio; in alijs Martyribus diuersa tormentorum tolerauit genera: & in vestro corpore sibi mori complacuit, quos ad suæ passionis meritum præordinauit. At quia nihil sentit corpus in tormento, cuius animus hospitatur in cœlo, omnem crudelitatis apparatus, ignes, Cruces, catastas, gladios, sereno intuebitur oculo, qui hæc non tam pœnæ apparatus, quàm gloriæ, & honoris instrumenta crediderit; tuncq; se optimè vicisse putabit, cum succumbit. Hinc & Vos, in vitæ, mortisq; cursu, nouam regenerationis vestræ natiuitatem inuenistis: sine ærumnosæ vitæ, vitam beatam inchoastis. occisione viuistis, bonorum temporalium



contemptu, dispendioque dicescitis; & in cœlorum firmamento, & in terrarum orbe, gloriâ confessionis, virtutumque merito lucetis, qui in tormentis, in catastis, in carcerum vmbribus, in vitæ intempestiuo occasu, extincti putabamini. Sed habet suam vitam mors, quæ vitam mutat, non amittit. Habent suam voluptatem & vulnera, de quibus plus manat gloriæ, quàm Sanguinis. Ità qui verè Christi consanguineus est, socio illius cruore in passione decoratur. Iam antehac in se Assertor salutis ostendit, quod in Vobis coronaret. Coronatum te scito cùm ita moreris. Hæc Mors vestram coronat vitam, & cùm aliorum magnificatæ Nobilitatis, & splendidos ortus vrnæ funerales contumulent, & extinguant, Vestram hæc mors illustrat; & in perpetuas fulsurum æternitates splendorem Nominum in firmamenti throno collocat; si aliorum, etiam criminibus contaminatam vitam, confessio, & ità suscepta mors decorauit, Vestram illibatam à Sæculo, pretiosamq; coronabit. Ex quo

## L A V R E O L Æ.

### In Diuis Martyribus HONORATO & CANDIDA

Vitæ Mortisque meritum,  
Quia æternum est, in compendium contrahi non patitur.  
Tolerat tamen inter mortales, in chartis angustias,  
Ex quibus latius in ætates eat.  
Nullum ei comparatur pretium,  
Nisi quod à thesauris æternitatis sumitur.  
Nec tolerat claudi vitæ periodis meritum,  
Quod se in æternitatem explicat  
Quàm pretiosa, tam gloriosa mors Martyrum,  
Non admittit plangentes Præficas,  
Quæ triumphos decretos habet.  
Regium illi Nomen & dignitas, genusq; est à Sanguine temporali  
Quo sibi æternum regnaturi tingunt purpuras.  
Terræ creditus Gorgonius cruor monstra edidit,  
At Martyrum Palmas, & Laureas germinat.  
At quia omnia famulari tenentur virtutis merito,  
Illis ignominia arma ad honoris augmentum cedunt,  
Quos æternitatis gloria cœlum decreuit coronare.  
Gladius Honoratum cædens, euasit honoratior;

Dumq;



Dumq; Tyranni crudelitati seruiuit,  
 Obsecutus est Martyris voluntati.  
 Candida; Romanorum mulierum gemma  
 Cum Paulina Filia, Mortis, Coronæq; socia,  
 Impulsa in foueam lapidibus obruitur.  
 Majorem à mortis umbra, terræq; tenebris splendorem traxit,  
 Quàm à pleno meridie felicitatis, vitæq; alij  
 Hic noua metamorpho lapidum grando  
 Ex corporis sanguinisq; contactu  
 In adamantes conuersa est.  
 Et si Martyrum proprium est,  
 In ipsis pœnis, contra Tyrannidis pœnas durari,  
 Necesse illis est, & morte vitam tueri.  
 Nec Martyrium, nec præmium amat, qui non odit Sæculum,  
 Mortisq; ignorat pretium,  
 Qui vitam præsentem amat.  
 Felix, Beatusque est,  
 Qui vitam morte condemnat,  
 Vt Morte vitam custodiat;  
 Cui viuere Christus, & mori lucrum.

Quia

## In Martyrum inuicta constantia, pretiosa Mors.

**C**Rudeli Phlegetonte satum genus, ebria pulchro  
 Sanguine Christiadum, Romanas saeva per Arces  
 Bacchatur, pœnasq; ciet, mortesq; Tyrannis.  
 Ingluuiem nec passa suam, palcaria torquens  
 Purpureum vomit ore fretum, Tiberisq; cruenta  
 Illuue funestat aquas; jam decolor unda  
 Erubuit testata nefas, tepidumq; cruorem  
 Vicinos propero lapsu despumat in amnes.  
 Quam tragicum! quàm infame orbi das Roma theatrum!  
 Praclaris Regum quondam stipata trophæis,  
 Et deuictorum varijs celebrata triumphis!  
 Innocuo jam fœda calēs maculata cruore,  
 Dum portentosa, laniena Tyrannidis Arces  
 Euasere tuæ. Dislendis Martyrē turre;  
 Ingenia tormenta tuo, ferrum, atq; catasta  
 Deficiunt; quin sacrilegam ferus ipse, ministram  
 Tortor damnat opem; desunt quoq; vincula vinclis  
 Non desunt qui vincla ferant: si proficit ira,  
 Qui vincat, palmamq; ferat non deficit unquam  
 Scutiem & vel in externas exporrigit oras



Ingenium cradele: comes Libitina, minaces  
Et Parcas, & Fata vocat, Tiberinaq; miscet  
Ostia funeribus. Nec Te Tua fata morantur  
Magne Pugil, quem poscit Honor, quem poscit Honori  
Nominis augurium Secreto splenduit auro  
In Superum tabulis, pulchro quod stigmate scripsit,  
Nomen Sacra Themis, Tibi quod consciuit Honores  
Pulcher HONORATE, in trabea, quam pulchrior olim  
Sanguinis effusi, Victori purpura tinger

Iam venit in solium Praeses ferale tribunal  
Occupat exactor Fidei, rigidoq; negare  
Compellit terrore Fidem. Demetrius inde  
Strenuus, hinc, alacrem, generoso pectore Florus  
Stripat HONORATVM, cuius non flectitur vlla  
Mens ferri, mortisq; acie, quin morte beatum  
Non vano augurio spondet se quisq; futurum,  
Pulchra Trias, fortisq; virum! mens omnibus vna,  
Omnibus vna Fides, moriendiq; vna cupido.  
Sub gladium cervice data cadis inclyte Martyr!  
Vincis HONORATE! at quid non pretiosus Honoris  
Author, & Auctor eris? Pretium sumpsisse cruore  
Fertur terra Tuo, postquam maduisset: in inum  
Pertigit, & glebas auri, lapidesq; feraces  
Praestitit esse; Tui ignaua rubigine tersa  
Sanguinis eluie ignitis arsisse pyropis  
Dicitur: hic Tibi Palma virens, hic Laureae surgit,  
Pulchra peraugusti monumenta aeterna triumpho.  
Hic terram florere rosis, hic lilia nasci  
Flora tulit, nemorumq; Dea, Nympharq; Coronas  
Hinc fecere Tuo rubicundas sanguine;serta  
Cunctorum hic carpere cohors numeroso Dearum, &  
Fertur HONORATO letos cecinisse triumphos.

Ad Te Sarmatico coelum cum destinat orbi  
Et iustas terra iubet instaurare Coronas,  
CANDIDA HONORATO sociam Te Fata dederunt.  
Et mortis vos causa pares, & gloria fecit  
Aequalis meriti. Patriae lux Candida Romae  
Si Te perpetua Virtus matura Corona  
Promouet, atq; sacri laticis iam perluit unda,  
Et tempus, Superiq; vocant, & iussa Sereni  
Praesidis; audaces animos, adamanteq; pectus  
Indue, Candorem Fidei factura Tyranno.  
Dat iugulum Artemius: sequitur Domus inclyta Patrem.  
Fida Comes, confessa Fidem, quam sanguine signat.  
Et Te Paulinamq; vocat, Pater, atq; Maritus,

Digna



*Digno coronari, mortem quæ vincere digna es,  
 Arbitrio cæli. Mortem decreuit in altis  
 Visceribus terræ. Infoueam iam CANDIDA præcepit  
 Paulina cum Prole ruis! sub pondere pressa  
 Sidereas Victrix Animam transmittis in oras.  
 Sic vixisse iuuat: iuuat & perijisse. Suprema  
 Quæ fuit, est hæc prima dies, quæ viuere cælo  
 Incipiunt, quos vita probat meruisse Coronam.*

## INSCRIPTIO VII.

Coronæ, Coronas inter, in cœlis, & in terra  
 Triumphatorum,  
 In Triumphantibus inter Coronas, in cœlis, & in  
 terra Diuis Martyribus  
**HONORATO & CANDIDA**  
 Triumphales.

**C**Um hodie vestris cœlum trophæis au-  
 ctum, vobiscum Inclyti Martyres, **HONORA-**  
**TE & CANDIDA**, triumphet, & terra ad cœ-  
 lestis imitationem triumphi prouocatur. Nec adeo sterilis est  
 in vobis insertis cœlo gloriæ perennis magnitudo, quin terræ  
 gratulandi vobis, & applaudendi potestatem conferat; nec adeo  
 inuidum triumphis cœlum, vt nobis gloriam vestram in terris  
 prædicandi adimat facultatem. Vel hæc sola quàm sufficiens  
 nobis triumphandi causa est, quòd potiore sui parte cœlo dona-  
 ti, veluti obsidem amoris terris vestrorum Corporum, honore  
 Martyrij celebres reliquistis exuuias, quæ cùm maxima vestræ  
 sint pars victoriæ, & in Militantis Ecclesiæ cœlo triumphi par-  
 tem habere debuerunt. Ergo submissa olim ad vnus, verique  
**DEI** venerationem ad Coronas erigite Capita, quæ nunquam  
 ad inanium Deorum adoranda simulacra inclinastis: Manus  
 ad porrectas à cœlo palmas tendite, quas ferreis attritas conse-  
 cratasq; vinculis, nunquam ad adolenda Idolis thura protendi-  
 stis: currus triumphales ascendite, in gloria; qui in ignomi-  
 nia, contemptuq; ab honoribus, fauentisq; fortunæ fastigio  
 dejecti, depressique fuistis. Id enim ad prærogatiuam statûs  
 vestri, in quo cœlum vos æternùm beat, tanquam Coronarum



complementum pertinebat, & hodierna felicitatis vestrae in terris memoria, triumphoque celebrari. Date Aures, & Oculos, triumphis: non ponunt obstaculum immensi coelorum orbis ne videatis. quod in terris pro DEO, qui in vobis & hodie gloriosus agnoscitur, fieri gratulamini. Non vos absorpsit adeo Divinae intuitionis immensa Lux, ut hanc accessionem honoris vestri, in triumphantium populorum plausu, non agnoscatis; nec enim ita consummata videtur vestra felicitas, ut coelestium orbium definita cancellis, se terris non infunderet, & in vestrae Beatitudinis recapitulatione, triumphalem loquantibus non daret Clientibus jucunditatem. Hinc terrena Majestas, contrahit suam amplitudinem, obscurat serenitatem, illustria umbris involuit decora; celsitudo cogitur in genua; sublimitas inclinat verticem; evanescit fastus, dum terrae vestrorum triumphorum gloria, auribus, animisque illabitur. Et verò, quæ nobilior victoria? quis triumphus illustrior? quis gloriæ apparatus pretiosior, quam vestrae, victoriosissimi Martyres, quibus victoriam, non vana mundanorum ambitio subjecit, non popularis famæ mendax exaggeravit præconium, sed quam Christus suo dignatus Regno, Coelestibus æternum triumphaturam Capitolis inuexit. Gaudetis ex vulneribus, tormentisque; exultatis ex mortis ignominia; læti numeratis vulnera, reuocatis pericula, quibus tanta securitas parata est; honoris, famæ, fortunarumque dispendia inter beneficia computatis, dum gloriæ triumphalibus onustos spolijs, in coelesti Patria, suscipit gremium immortalitatis. Pro hoc otio, tamque pretioso victoriæ fructu

*Bella geri placuit tantos habitura triumphos,*  
quibus coelum Coronam æternitatis imponit, & Coronidem. Gaudet perennibus, Beatæ mentes, Spiritus puri, absque corporis commercio creati, quibus coelum Patria, primam in splendoribus gratiæ dedit originem: cum tamen in Triumphantis, ac Militantis Ecclesiæ Capitolio, Corpora Animasque Martyrum tam augustis honoratas triumphis admirantur, si aliqua invidentis animi passione tentari, moueri que, absque beatæ tranquillitatis malacia, possent, id vnum inuiderent felicitati Martyrum, quod & caduci, mundanaque illecebra corrupti, vitiatique corporis in crudelitatis arma prostitutione, ampliores mereri possunt honores in victoria, quam natiuæ illorum indolis in gloria,



gloria, absque simili amplius merendi campo, meritum æstimari. Cum his æterni triumphi consortio comparati, inter Senatum, Populumq; cœlestem adnumerati, animastis & terram hodie; ut quod vobis in cœlo constitutis, immutabilis donauit felicitas, Corporibus vestris honorẽ tribuendo, in terris, humilis imitetur tenuitas. Triumphat vobis, at vobiscum terra! date hinc illi merendi gratiam, qui tanti triumphi causam præstitistis.

## A R C V S.

Majores, minoresq; triumphi Regum cesserunt vobis,

Qui Regum Tyrannorumq; victores euastis.

Hinc post victorias,

Æternas feliciũ Spirituum quæsituri sedes

Pro Aureo Ramo, Palmas tulistis.

Tyrannos, si Leones, Tigridesq; dici placet,

Victorum more Leones Tygridesq; ad Triumphum Vos prouehunt

Triumphatores Tyrannorum

## HONORATE, & CANDIDA.

Ita & ipsa Tyrannorum iniquitas

Cum se subegisse victos putat,

Ad Honorem triumphi subseruit victoribus.

Latere nobis tantisper, non abscondi potuistis,

Ne vos hic dies retegeret,

Cujus Lucem cœlum vobis fecit tributariam,

Qui tenebrarum principem triumphastis.

Nescistis Noctis opera,

Ideo in Honore, Candoreq; viuitis

Filij Lucis.

Sua se Luce prodit virtus vestra,

Honor, Candorq;,

Et quem terra damnauit ad tenebras,

Cœlum subleuat ad Coronas.

Amet suas umbras, qui Lucem non meretur;

Vos terræ sinus reuelauit,

Ne repetundarum reus teneretur,

Si debitum publico solatio thesaurum abdidiſſet:

Vos Honoratis, Candidisq; triumphis restituit,

Quos vobis Honorato, Candidoq; vaticinati in Nomine,

Oraculum felicitatis tulistis.

In Vobis ipsis non integram felicitatem arbitrati,

Ad cœlestis triumphi Societatem comites admittitis

Demetrio stipatur HONORATVS, & Floro

Quos par vincendi causa



Pares promouit ad Coronas.  
Candida, cœli Candidata,  
Conjugem Artemium, Filiamq; Paulinam ad triumphum  
assumit, & familiam,  
Quæ victas Fidei cum dedisset manus  
Victoriam meruit, & triumphum,  
Ex quo Honoratum, Candidumq; testimonium est:  
Ad Vitam, Honorem gloriamq; triumphum  
ascendere posse neminem,  
Nisi qui mundum, ignominiam, mortemq; calcauerit.  
Ergo

Cœlestibus Sanctorum triumphis, applau-  
dendum in terris.


Dithyrambus Alterno Musices Instrumentorum,  
vorumq; diuersarum choro cantatus, dum Beatorum Mar-  
tyrum Corpora, ex Oppido Czestochoua ad Mon-  
tis Clari Basilicam, deportarentur.

**I**O uiuat! uiuat Io!  
Ter quaterq; concinamus!  
Nubibus resultet Echo,  
Montibusq; vallibusq;  
Voce debita sonemus  
Gloriamq; pradicemus, Gloriam victoria!  
Ferte fasces Liliorum  
Ferte Copiam Rosarum!  
Laureaq; Palmeaq;  
Fronde Syluæ vestiantur  
Terra floribus virescat  
In triumphales Coronas, in Coronas gloria!  
Ergo prome terra cantus  
Vocibusq; tange cœlos:  
Suscita voces canoras  
Quæ Beatorum verendas,  
Libero, claroq; plausu,  
Concinent laudes, theatris in Tuis & Patria!  
Laude Diuos singulari  
Ritè Martyres Patronos  
Gloriosos in polorum  
Curia Cines saluta  
Supplici voto precando  
Vt Tibi illorum frequenti laude fiat gratia.



*Millies Salve reclamant,  
 Millies Aue vocantent,  
 Littoris plausu sonori  
 Et Napææ, Naiadesq̃,  
 Nobiles Vartha colonæ.  
 Vivat lo! Vivat oras per Lechaas deferant!  
 Hospitesq̃ singulares  
 Sarmatus datos, precentur  
 Vt fauore prosequantur,  
 Quos premit cohors malorum,  
 Porrigant dextram leuantem,  
 Et relictos in maligna sorte nunquam deferant.*

**INSCRIPTIO VIII.**  
**Coronæ in Claro Monte ad Venerationem**  
**Sublimatorum**  
**In Sublimatis Diuis Martyribus**  
**HONORATO & CANDIDA.**  
**Gloriosæ.**



Anc certè graue rei nostræ momentum  
 exigebat solennitatem, vt eo tempore ad publi-  
 cos Honores, exultantis Poloniæ vos in hoc mon-  
 te subleuantur plausus, quo Anni trecentefimi me-  
 moria, à prima prodigiosa Aureæ Poloniæ Fortu-  
 næ Mariæ, in hoc Monte collocatione celebratur. Per totum  
 trium Sæculorum decursum, auxit abunde Clari Montis hu-  
 jus Claritudinem, Magnalijs suis, & thaumaturgis operibus  
 M A R I A, illustrarunt summorum Pontificum fauores; sere-  
 narunt, Serenissimorum Poloniæ Regum amores, beneficia, &  
 præclara non vulgaris deuotionis exempla; ornârunt Illustri-  
 simorum Principum, ac totius Senatûs, Populiq̃ Poloni, reli-  
 gionis monumenta, variarumq̃ per Europæum orbem, natio-  
 num deuotio sublimauit: verum vt hujus festiuitatis celebri-  
 tas nouam, auspiciatamq̃, non tantum hujus Montis, at vni-  
 uersæ Poloniæ, felicitatis accessionem faceret, opportunè ve-  
 stra in hujus Montis gremium collocantur Lypsana Gloriosis-  
 simi Martyres **HONORATE**, & **CANDIDA**, vt dum



hic supplex confluentium populorum religio, propitium sibi Numen, Matrisq; DEI MARIE fauores conciliat, & à vestris meritis, suffragijsq;, in publicis priuatisq; necessitatibus promotionis emolumenta sortiatur. Nec enim ex omni parte quidquam adeo beatum absolutum, ac independens est, vt omni fauore, patrociniòq; cœlestium non egeat: & Poloniae felicitas non adeo consummata, sibiq; sufficiens est, vt vestro non indigeat fauore promoueri. Sunt sua nauigantibus Numina Tyndaridæ, de cœlo gemini, quos aliquando antennis insedisse sibi mentiebatur antiquitas; placidoq; vultu explicatus Neptunus, quibus tota Classis, antequam è portu soluerent solennibus votis dedicabatur; sit sua Sapientiæ Candidatis Pallas, ad arcana thesaurorum suorum cortinas remouens; celebretur Apollo vatibus, ad euoluendum futurorum euentuum ordinem amicum Numen; sint Mars, Bellonaq; militantibus propitia, quæ aciem ordinent, ambiguosq; ad victoriam successus promoueant, Numina: hodie Poloniae sufficiat Diuinæ manus Clementiæ, in concessis, expositisq; ad venerationem tantorum Patronorum corporibus, quæ receptis in immortalitatis beatæ sinum Spiritibus, cœlum nobis, vt pretiosos, fidosq; Sanctorum affectûs obsides reliquit, & inter media sequioris fortunæ discrimina Patronos Tutanosq; constituit. Et hæc est Beatarum in cœlo mentium Honoris Felicitatisq; accessio non postrema, quòd vicariâ quadam Diuinæ potestatis participatione præpolentes, veluti quoddam suæ Beatitudinis dotale munus, virtutem thaumaturgam habeant, quâ, opem de terra clientum implorantium, necessitates mitibus oculis vsurpantes, & auribus, conferendo, quidquid noxium, inimicumq; est, amoliantur. Hic Honor est, quem vobis cœlum contulit gloriosi Martyres, Beatos esse, & posse facere Beatos. In vobis honorauit Martyrium, cùm vos intra summum Altare suum collocauit, quo peruadens in Apocalypsi sua Dilectus Christo Discipulus Animas Sanctorum quiescentes vidit. Quàm augusta Martyrum sedes! cui Regum solia Sceptra Coronasq; inclinant, terrenarum dignitatum, & celsitudinem submittantur apices, Patrocinium appellando. Ideoq; Honoris amplissima causa est, titulus Martyris, quem vbi cœlum adeo sublimi gradu honorat, ad exhibendos Martyribus honores, & terram



terram exemplo vocat. Coelos hodie imitatur Polonia, dum,  
quorum illi immensa gloriæ circumdatas luce, Animas in Al-  
taris throno seruant, illorum & Corpora ad publicos honores  
exposita in Altaris gremium sublimat. Placet hic illa Roma-  
norum annua festiuitas, in qua circumlatæ majorum in Ima-  
ginibus vmbrae, claritatem in posteros, transmittabant, virtu-  
tis incitamenta ex decantatis illorum laudibus, conferendo.  
Eminent jubilantium populorum humeris Diuorum Marty-  
rum HONORATI & CANDIDÆ Lipsana, & Imagi-  
nes, decantantur præconia, vt tantis virtutum exemplis, in  
fidelibus Fidei feruor, Sanctorum honor, DEIQ; major glo-  
ria promoueatur. At cum vobis sublimem acclinat venera-  
bundus Mons Clarus verticem, cum publico salutat gratiosos  
Hospites applausu, cum obuium ingredientibus substernit gre-  
mium, estote Auspicati Poloniae, Patroni, Fautoresq; glorio-  
sissimi Martyres HONORATE & CANDIDA, quod cum  
nobis vniuersaq; Patriæ felicitati, ex vestrorum meritorum suf-  
fragiorumq; apud Martyrum Regem, interuentu speramus &  
pollicemur, scribimus &

## O M I N A.

Hospes Montis Clari M A R I A

vtpote Mater, Filiaq; Luminis,

Cum decoris appellatur Titulis

Mater Honorificata, & Mater Candoris Lucis æternæ,

Vt accessoriam Claritatem, Honorem, Candoremque haberet.

Vestris stipatur Corporibus

### HONORATE, & CANDIDA.

Quam iustè victoribus substernit gremium Mons Clarus,

Principibus olim Viris dictus Mons Victoriæ!

Vt vobis nemo felicius cecidit,

Ita sublimius surrexit nemo.

Surgitis tamen sublimati in gloriam

Qui nunquam in ignominia iaculistis.

Diuis adlecti, non exclusistis naturam hominum,

ne humanitatem exhiberetis felices miseris,

Ideo Vos in Monte Sancto Loctantes

Gemens appellat in valle plorationis populus.

Liget sanè aureis torquibus, vinciatque vetustas, aut Fortunæ, ac Pe-  
natum, aliorumq; Deorum simulacra in tutelam & patrocini-  
um obligando,

Suffi-



Sufficiat Votis nostris, vestrisque  
 Pretiosis vos complecti affectibus,  
 Ad Poloniae Felicitatem, in Italia nati,  
 Post Arcis vaticanae Honores,  
 Montem Clarum subiistis.  
 Fuerint plerisque gentibus mortuorum ossa  
 pretiosa ad emendum quidquid vellent gaza,  
 Pretiosum tenemus Lipsana vestra thesaurum,  
 Quæ cum nobis concessistis,  
 Potestatem fecistis apud vos fauores nundinandi.  
 Spera clementiores de cœlo gratiarum influxus Polonia,  
 vbi in Claro Monte  
 Quem olim triumphatis hostibus solis triplicis diadema coronauit.  
 Mater Lucis MARIA sidus propitium,  
**HONORATO & CANDIDA**  
 Beneficijs stipatum sideribus  
 insulget.

Rythmus in Arcu Triumphali, dum Sancto-  
 rum Martyrum Corpora intra fortalitij septa  
 illata stationem figerent, à triplici choro  
 cantatus.

*S*aluete Decus concessum Sarmatis  
 Clarior sola lux nostri climatis,  
 Auete nostri Fautores Maximi  
 Estote Nostri Tutores proximi  
 Saluete terra Numina  
 Auete cœli Lumina.  
 Honoris Vobis tributum pendimus,  
 Ad Vos Patroni & manus tendimus,  
 Fauete nobis Felices miseris  
 Estote nostri solamen generis  
 O Dilecti Sarmatia  
 Conferite Dona gratia!  
 Per Vestra donum cœlestis gratia  
 Frangantur Arma funesta Thraciæ,  
 Et Nostris Fausti estote Regibus  
 Nos tyrannorum seruando cœdibus  
 Vos Salutamus Hospites  
 Estote Nobis Sospites.  
 Vestrum implorant tutamen unice  
 Quoscunque cœli spectatis fornice,

*Audite*



*Audite quotquot nunc ad vos supplicant  
Et laudes Vestras canendo replicant  
Estote Nostri vindices  
O Sancti DEI Milites.*

*O HONORATE Honorem Lechiæ  
CANDIDA & Tu Candorem Patriæ  
Ex auspiciato concedis Nomine,  
Ut sitis Honor, Candorq; omne  
Vobis Coronas nectimus  
Supplexq; genu flectimus.*

# AD TRIUMPHALES CORONAS SS. Martyrum, Clari Montis, & Poloniæ Patronorum, D.D. HONORATI, & CANDIDÆ, APPENDIX.



Ost supplices gratiarum actiones, Sanctissimæ & Individuæ TRINITATI, REGIS ÆCVLORVM IMMORTALI, & INVISIBILI, DEO TER OPTIMO, TER MAXIMO, Bonorum omnium Fonti indeficienti, MATRIq; DEI, & VIRGINI MARIÆ, cui in hoc Monte habitare, in thaumaturga Imagine, Virtuteq; mirabilium effetrice, complacuit, præstitas; post Honorem Sanctis publica veneratione attributum, D. PAVLO THEBÆO, ex Vniuersalis Ecclesiæ sensu Eremitarum Authori, & Magistro, Ordinis Patriarchæ, Sanctisque Tutelaribus loci Patronis præcipuè Sanctis, HONORATO & CANDIDÆ, quos fausto Poloniæ omine, ad decursum tertij. & ad auspiciatum initium quarti Sæculi, sub gratiosissimis, & felicissimis auspicijs, Serenissimi, & Inuictissimi IOANNIS Tertij Poloniæ Regis &c. Domini Clementissimi, Mons Clarus Patriæ Tutelares ad publicam venerationem, Authoritate Pastoralis Illustrissimi ac Reuerendissimi D. IOANNIS MAŁACHOWSKI, Episcopi Cracouiensis Ducis Seueriæ, exponit; ex decreto, debitoq; gratæ mentis, intererat & singularium hujus loci Fundatorum, Patronorum, Protectorum, Fautorum, ac Benefactorum meminisse, quibus in Arcu Triumphali, intra Fortalitij septa, venerationis ergo, erecto, hic Honor habitus est.

## ARCVS TRIUMPHALIS.

Tota moles Ex virentibus Palmis in latum circiter ad triginta quatuor cubitos explicata, vtramq; Portam, tum quæ ad maiorem Basilicam, tum quæ



ad Sacelli Mariani, & Monasterij minorem ducit aream, claudens, ad quadraginta circiter vlnas in altum exporrecta, & in quinque contignationes diuisa est.

## PRIMA CONTIGNATIO.

Sub tota mole in spatio, quod inter vtramq; portam interjacet medium, statua grandior inter Palmas Diui Patriarchæ S. Pauli Primi Eremitæ, ceruicibus totam superincubantem molem sustentans, ad cuius latera Palma, Leones, & Panis Portitor Coruus. Aureis proloquitur verbis: *Dulce onus meum.* Sub primæ contignationis Coronidæ, latè in vtramq; partem explicata, grandioribus aureis Literis hæc inarata: REGI SÆCVLORVM, DEO TER OPT: MAX: B. MARIÆ V. D. PATRONIS, FVNDATORIBVS, PROMOTORIBVS, PROTECTORIBVS, BENEFECTORIBVS, DVM TERTIVM SÆCVLVM CELEBRARET, MONS CLARVS EREXIT.

A Medio in dextrum latus Coronæ, seu ambitûs, hæc Familiarum Symbola, ex Stemmatis ad præstitos Monti Claro fauores alludendo, suas habent Inscriptiones & Subscriptiones:

### *Illustrissimæ Domui Opalinæ.*

A Ctuarium in placido nauigans mari adspirantibus Fauonijs ad portum tendit, vbi cum vario Musices apparatu aduentantes præstolantur, Virgo dirigit gubernaculum. &c. Lemma *Hæc moderante Securi.* Subscriptio: *Varijs deuotionis exemplis, muneribus, & fauoribus Montem Clarum ornavit.* Præstiosiora aureis velleribus vehit Virtutum & meritorum ornamenta, nec eget loquaci Argo, quæ naturali propensione in Illustrissimis Successoribus, ad Fortunatas æternæ beatitudinis insulas prouehitur, Auspice, & Gubernatrice MARIA quam sibi liberalibus demerentur votis affectibus, præcipuè modernis temporibus Illustrissimus D. Ioannes de Bnin Opalenski Dapifer Regni, & Illustrissimus D. Stanislaus de Bnin Opalenski Neocorcorinensis Capitaneus.

### *Illustrissimæ Domui Varsiciæ.*

D Vo Genij Armorum Abdank vnus tenet Stemma ad formam duplicis V. & proloquitur Viuat Viuat! alter idem vniuersum tenens Literam M. re. præsentat additque voce: Maria quasi Mariæ victurum perenniter in hoc loco, ex voto suæ Illustrissimæ Familiæ augurarentur. Lemma: *Cantet hoc Stemma triumphos!* Subscriptio: *Varijs Foundationibus, & fauoribus Montem Clarum auxit.*

### *Illustrissimæ Domui Donhoffiæ.*

A Rx, seu Fortalitium. Propugnatores armati sub vexillo in quo caput Apri Gentilis eminet (Romanorum veterum more) varijs accincti armis &c. Lemma *Hæc Arces sub his defendimus Armis!* Subscriptio. *Foundationibus, Muneribus, Affectibus, religionis exemplis Montem Clarum colit:* Quotquot sub hoc cententur Stemmata, singulares in hoc loco Honoris Mariani sunt Promotores, Propugnatores, & Patroni, ideo Maria in hoc loco sub figura Fortalitij ponitur, cuius Basilicam, tum augustiori, & prorsus Regio ex marmore sacello, &



lo, & apparatu vario, tum Ecclesiastico thesaurum, tum bellico, Armamentarium, Marianam auxerunt.

### *Illustrissima Domui Pacie.*

**H**ortus Liliorum, inter quæ floret æquali candore triplex Illustrissimæ Domûs Paciorum Lilium. Lemma: *Innocuo candore perennat!* Subscriptio: *Candidum erga Montem Clarum affectum in muneribus ad Aram Marianam ostendit.*

### *Illustrissima Domui Sieniauiæ.*

**A**d Corpus Emblematis Illustrissima assumuntur insignia Luna & Stella intra Lunæ cornua, in cujus medio Imago Claromontana. &c. Lemma. *Lucet iam plenior orbi!* Subscriptio: *Pretioso adrem Sacram apparatu, monilibus, eximia deuotionis argumentis, & varijs fauoribus Montem Clarum ornat.* Et in cæca hujus sæculi nocte Filios Lucis quidni dicam Illustrissimos Sieniauiæ Domûs Heredes? qui ad augem natiui virtutum luminis, & Matrem lucis MARIAM singulari religione sibi ex hoc loco affulgentem habere meruerunt.

### *Illustrissima Domui Męczyniæ.*

**G**entilitiam Rosam, Rosas inter in editiori Monte plantatas, Domus Męczyniæ Genius plantat. &c. Lemma: *Et hic meum floresce Rosetum!* Subscriptio: *Amptioribus Montem Clarum dignati fauoribus, æternum florentem hic meruerant memoriam.* Rosa Ierichuntina Maria cognatam sibi amoribus, in hoc loco fouet Domus Męczyniæ Rosam, quæ perennè hic deuotionis, spirat fragrantiam.

### *Illustrissima Domui Lanckoronie.*

**V**irgo in Palatio quod muro circumdatur. Medius ignem spirans è muro prominet Leo, qui ignem spirans, monstrorum impugnantium ausus deterret. &c. Lemma. *Sic Zelus defensat Honorem!* Subscriptio: *Varijs segmentis pretiosis, amoribus, & fauoribus Montem Clarum cumulat.* Echo singulare Mons Clarus habet ex Domo Lanckoronie, quod Illustrissimus D. Nicolaus Lanckoronki, à Sigismundo Augusto Constantinopolim Legatus, fidam de Sacra Imagine Claromontana ibidem in membrana scripsit Historiam, (ibi enim quingentis annis hæc Imago fuit) eandemq; Sigismundo Augusto obrulit. Nunc inter Domus Marianæ gazam asseruatur.

### *Illustrissima Domui Lipsciæ.*

**D**iana per montosa loca passu celeri manu ducit Genium Lipsiciæ Domûs arcu & pharetra succinctum. In pectore solea cum cruce, in manu dextra Sagittæ ad configendas bestias. Leo Gentilis Comes sequitur &c. Lemma: *Hac Duce monstra domabo!* Subscriptio: *Eximiis fauoribus, pretiosis muneribus, & amoribus Montem Clarum illustrat.* Ità in omnis ætatis cursu dedicata huic loco, Mariæque illustrando Honori deuota est Illustrissima Lipsiciorum Domus, vt ab ipsa Maria manu duce sua progredi videatur, Gentilibus Armis informia ignauia, aut quæcunq; ad promerendum laudis, gloriæque præmium obesse possunt, desidæ monstra; prædas sæpe, manubiasq; fortunæ hic suæ Patronæ deponens.

### *Illustrissima Domui Działynscæ.*

**A**d Symboli corpus Annulus Gentilitius assumitur. Virgo in throno sedens, à Genio Domûs Działynscæ medium Annulum cum inserta pretiosa



riosa gemma accipit; Genius medium cum Sagitta retinet: &c. Lemma: *Sic desponsat amores!* Subscriptio: *Singulari deuotione, Montem Clarum veneratur.* Antecedentium Aborigenum Imago, subsequens Heredum exemplar deuotionis erga Marianam Montis Clari Domum, est Illustrissimus Sigismundus Działyński Palatinus Brestensis, qui per Filios suos Matthiam, & Paulum Anno 1675, grandiore argenteam laminam ad claudendam imaginem (prout & hodie clauditur) misit, cui affectus suos, Domusq; suæ Inclytissimæ; in supplici commendatione inarauit. Placet hic illos subijcere:

*Dziedziczko Częstochowskiey Mátko Bóza Gory  
Iakoś zamożna Mátko tak w Syny, iak w Cory.  
Wszystek moy Domek ciebie swa Dziedziczka głosi,  
Niech go Syn Twoy, y z soba w swey opiece nośi.*

### *Illustrissima Domui Pięńszczyce.*

**B**ellonæ in grandiori cubo Statua variij Genij collimant, at non pertinent ad metam; aliorum Sagittæ in medio cursu terræ allisæ, aut in obliquum cedentes, sola in meta Pięńszczycej Genij Sagittæ &c. Lemma: *Cursum mihi nulla morantur otia!* Subscriptio: *Varijs negotiorum huius loci Honoribus, & muneribus Montem Clarum decorat.* Iure Illustrissimæ Domui attribuitur, quod milles aut in Sago, aut in toga negotijs præpediri possint, quin stitis temporibus vota sua, tanquam in termino metaq; suæ deuotionis, hic deponant. Excellit aliorum cursus Sagittæ Gentilis Perilustris ac M. D. Ioannis de Odrowąż Pięńszczyk Oświęcimensis Capitanei, qui perennem hic Sagittæ suæ tesseram fixit, attributa ad decantandum quotidie Immaculatæ Conceptionis B. M. V. Officium fundatione.

### *Illustrissima Domui Myśkowscie.*

**I**nsigne Gentilitium, Leonibus, Aquilis, Cruce, & Solea constans, appensum Palmæ, aduerso illustratum sole refulgens, Lemma habet: *Gaudet hoc lumine Stemma!* Subscriptio: *Montem Clarum sincero prosecuta affectu, & Honorem Marianum, Ordineq; momenta gratiosis promouet conatibus.* Ad illustre Symboli corpus sufficientissimum sibi ipsi est in Myśkowskiej Domus Illustrissima Principum Mantuæ Stemma, in quo Leones & Aquilæ, connata indole solem ambiunt, gratiosissimis eius influxibus Alites Regij, Regiq; Animalia. nobilitata; hinc & Cruces, soleq; tersissimæ splendor. Longè tamen Illustriora efficiuntur, cum ad illam gratijs in hoc Monte fulgentem, reflectunt oculos, quæ est *Electa ut Sol MARIA.*

### *Illustrissima Domui Polanowscie.*

**I**mpetus est ex Gentili Solea. Polanowscie Domus Genius ad Cælum elatus in alato sonipede Soleas plures reliquit in terra, quæ Virgo in Sinum colligit. &c. Lemma: *Has tempus non deteret unquam!* Subscriptio: *Liberalitatis, & affectus gratiosissimi hic reliquit vestigia.* In tanto pretio Virgini Claramontanæ sunt vestigia beneficentiæ Illustrissimæ Polanowscie Domus, ut illa, dum magnis ad altiora merita contendit passibus, conseruet, nec obliuionis clade, injuriq; temporis conteri, deleriq; patitur. Prostant affectus erga Mariam, Montemq; Clarum tessera, præcipue Illustrissimi Domini Alexandri Polanowski, in grandioribus argenteis tabulis, tum in Claua Officij tessera, quam ad pedes Mariæ in hoc Monte fixit.

*Illustrissi-*



### *Illustrissima Domui Radzieiowskiej.*

**S**Vb Stella Polari Vriæ Major, in qua Virgo coronata (ex Armis Gentilibus Rawicz) ductu lineæ, quæ à Stella polari ad Vriæ collum patet lucida, cursum circa Stellam in cœlo circumagit &c. Lemma: *Hac placet auspice cursus!* Subscriptio: *Tum Ecclesiastico decoro solenni apparatu tum alijs fauoribus, & amoribus, Montem Clarum decorat.* Pudet in humili serpere valle generosum animum; non in Montes, at in cœlos euolat indoles cognata cœlo, quæ vel tardis animantibus addit stimulos, à Cœlo regitur Domûs Radzieiowskiej, ut in recto Honesti Virtutisq; tramite perseueret. Seu maius dicere Stellam Polarem Mariam esse ad cuius fauores alligata huc ducitur, & in cœlestium orbium æternas Domos promouetur.

### *Illustrissima Domui Gębickiej.*

**V**irgo Coronata cum Sceptro. Fascia Gentilis hujus Domus in brachijs explicata, & in pectore ornamento est. &c. Lemma: *Vincit & ornat!* Subscriptio: *Ecclesiam decorat, & affectu singulari prosequitur.* Regijs cognata Diadematis, & Poloniæ Reginam ornat. In veneratione est & apud superos. Inter Mariana decorum non postremum obtinet locum. Apprime seruit illi, quod Ierem. 2. dicitur: *Nunquid obliuiscetur Virgo ornamentisui, aut Sponsa Fascia pectoralis sue?* Ornat & hodie Aras Mariæ; præcipue per Illustrissimum ac Reuerendissimum D. Petrum Gębicki Episcopum Cracouiensem Ducem Seueriæ, qui pretiosissimum inter Basilicæ Claromontanæ decora Apparatum, sub eadem Gentili tessera Monti Claro reliquit.

### *Illustrissima Domui Oborskiej.*

**V**arij Genij (Oborsciæ Familiæ) manipulos Liliorum colligunt, quos ante Statuam Dianæ (Mariam signat) offerunt. Lemma: *Manibus dent Liliâ plenâ.* Subscriptio: *Deuotionis exempla, & affectibus Montem Clarum colit.*

A medio superficiæ, seu Coronæ, Primæ Contignationis, in Sinistrum explicata latus, hæc Familiarum Symbola ponuntur.

### *Illustrissima Domui Łubieńskiej.*

**T**emplum Dianæ, in quo immolantur Victimæ. Genius Illustrissimæ Łubieńskiej Domûs, transfixum Gentilis Vri caput in Altare ponit &c. Lemma: *Cadat hæc mea Viclima ad Aras!* Subscriptio: *Deuotissima huic loco amplioribus Montem Clarum ornat muneribus, & colit affectibus.* Hoc est Cœlestis Dianæ MARIÆ Templum in quo Łubieńskiej Domus ædificando sumptibus non pepercit, in Illustrissimo ac Reuerendissimo Matthia Łubieński Archiepis: Giecznenski Legato Nato, Primoq; Principe.

### *Illustrissima Tartouia Domui.*

**S**olum. In puluino Corona & Sceptrum. Circumcirca Fasces, seu Secures, Senatoriæ Censoriæquæ dignitatis apud Romanos insignia &c. Lemma: *Regnum solumq; tuentur.* Subscriptio: *Pronam erga hunc locum religionem, muneribus, amoribusq; contestatur.* Amplissimum est Mariæ Regnum, quod in hoc solo fundatum, longè lateq; patens respicit, & beneficijs cumulat Maria. Tartouia Domus Heredes Illustrissimi propinquioribus stipant, ornant, atque tuentur affectibus, & obsequijs.

### *Illustrissima Domui Sapiehana.*

**T**emplum Bellonæ in quo varia bellica instrumēta Clipei, galeæ, lanceæ, &c. dependent. Genius Sapiehanæ Domus Pharetram Gentilibus Sagittis,  
O cum



cum Crucibus, plenam, ad Aræ propinquius latus appendit. &c. Lemma: *Victrices hic figo Sagittas!* Subscriptio: *Preciosis montibus, aureis muneribus, & solenniori Apparatu; ac pretiosissimis affectibus Montem Clarum exornat.* Singula in muneribus ex Sapiehana Domo lucentes tessera si colligantur non vnâ implerent pharetram. Hic tamen vnâ ad latus Bellonæ Poloniæ Mariæ figit Genius, in compendium colligens fauores, & Amores Sapiehanos, quibus tanquam ad votorum suorum metam collimant. In Compendio sunt, ex gratia Illustrissimi Leonis Casimiri Sapieha, qui Aurca Pixide thesaurum Aræ Marianæ, auxit Bellonam suam hoc munere dignatus. Propitiam expertus est. Dum enim Illustrissima illius Coniux hic suam deuotionem ad Aram Mariæ in complures hebdomadas prorogat, & expeditionem Illustrissimi Coniugis contra hostes huic Bellonæ commendat, Nuntium accepit illum præclara de Tartaris positum victoriam, quæ & lytrum redemptæ illius de periculis vitæ, segmentum pretiosis compactum lapidibus, ad Aram deposuit. Par est in deuotione, ac Liberalitate Illustrissimorum Heredum erga Montem Clarum animi propensio.

### *Illustrissima Domui Iablonowscie.*

**A**D veritatis Imaginem, veterum Superstitio assumitur, qui roties lunam à dracone deuorari putabant, quoties deliquium pati, aut nubibus obrui videbatur; ideoq; cum sonoris instrumentis procurrebant, quæ pulsando draconem detertere conabantur, qui lunæ deficienti imminerebat. Hoc ad Corpus Emblematis. Infra tres Genij Illustrissimæ Domus Iablonowscie diuisa insignia tenentes pulant, quibus detertere draconem conantur: vnus Falcem, alter mediam soleam, tertius semimediam Crucem &c. &c. Lemma: *Vindicat occasum sonitu!* Subscriptio: *Liberali animo, ac religioso, Mariam in hoc Monte colit, eiusq; Honorem propugnat.* Si in vitæ præsentis nubilo Virtus Luna dici potest, quam pone comes inuidia, draconi omnia veneno inficienti assimilata, consequitur, ac abligurire molitur; Nonne Arma Illustrissimæ Iablonowscie Domus sonantia, & lunam à deliquio præseruantia, famam denotant? quæ ubiq; bonum Nomen ferens inuidiam deterret, triumphatq;? Sed fortè maior Luna in Mundi nocte, dum ei gratiæ DEI serenum insulgere non debet, DEI Vicariam cuius honorem impugnatum Heredes Domus Illustrissimæ propugnant: Patet in Illustrissimo D. Stanislao in Iablonow Iablonowski Terrarum Russiæ Palatino Exercituum in Regno Poloniæ Duci Campestri &c. &c. qui in hoc loco varijs temporibus per exempla deuotionis, tum per officij sui tesseram Clauam ad Mariæ pedes suffixam Mariæ Honorem, cum lauit.

### *Illustrissima Domui Czarneckie.*

**S**icut generale mundi periculorum Schema, mare, ita generale subsidium Stella polaris, aut, Pharos in nocte laborantibus Maria. Singulare tamen est Illustrissimæ Domui Czarneckiæ; quæ suam meritis plenam Onerariam per procellas labentis Mundi promouens ad æternitatis portum Mariam in Claro Monte ceu Polarem Stellam aut Pharum habet vnde Hoc est Emblemata, cui subscribo: Lemma: *Hec mihi Dux, Portusq; fidelis!* Subscriptio: *Indefessis suis conatibus Montis Clari securitatem, decora, Honoremq; promouet, quem singularibus fouet affectibus.* Quod patebat tum ante obsidionem tum post obsidionem Claromontanam. In Illustrissimo Domino Stephano Czarnecki Palatino Russiæ, &c. tum in Perillustri, ac M. D. Petro Czarnecki Qui sub tempus obsidionis Claromontanæ, pulchris victorijs clarus exiit; tum modernis temporibus in Illustrissimo Domino Stephano Czarnecki Notario Campestri Regni. &c. &c.

### *Illustrissima Domui Grudzinscie.*

**I**N Porta cui tres turres imminet armatus Heros acclinis introeuntem Reginam



ginam salutat, excipit &c. Lemma: *Hac Hospite tutus.* Subscriptio: *Aureis muneribus, monilibus, deuotionis exemplis, affectibus Montem Clarum illustrat.* Illustrissima Domus dum intra se Religionem erga tantam fortunam Patronam fouet, securior est, quàm cum suo Troia Palladio.

### *Illustrissima Domui Sczawinsciae.*

**A**Rx muro circumducta. In muro Illustrissimæ Sczawinsciæ Domûs Gen-tilis excubat Leo sub umbras noctis &c. Lemma: *Non dormit qui custodit!* Subscriptio: *Religionis exemplis, & muneribus Montem Clarum bonorat.* Sapientiæ Domûs Maria, vallatur vigili custodia Leonis Domûs Sczawinsciæ, quæ id v-num inter suas principales curas habet, hîc Mariæ Honorem supplici deuotione exhibere, deuotione promouere.

### *Illustrissima Domui Tarnowsciae.*

**E**X Armis Leliwa, quæ constat Luna, & Stella inter Lunæ cornua, assumi-tur ad Symbolum occasio. Diuiditur Stemma, Regina Luna scabellum supponit, Stella diffusis circa caput Radijs Reginam ornat &c. Lemma: *Ser-uit utrumq; decori!* Subscriptio: *Montis Clari Honorem religionis exemplis; Deco-rem muneribus auxit.* Si Regina est Cœlorum, ac terrarum Maria, quæ meru-it cœlestem lunam immaculatis premere calcaneis, & Stellis coronari; quid non exornet Illustrissimam Domum Tarnowsciam, quod in hoc loco sub-ternat Gentilem Lunam pedibus, & Stellam tantæ Reginæ commodet in Coronam?

### *Illustrissima Domui Konarsciae.*

**L**eenæ coronatæ blanditur Leopardus &c. Lemma: *Mansuescit a-mando!* Subscriptio. *Humilibus deuotionis exemplis Mariam in hoc veneratur Monte.* Hostilitas quæ intercedit inter Leonem, & Leopardum (insigne est Illustrissimæ Konarsciæ Domûs) hic componitur. Mariam Leenam dici SS. Patribus placuit, tum quod Leonem de tribu Iuda genuerit; tum quod illi v-nus tantummodo contingat partus, huic blanditur Leopardus, & non tantum Coronam submittit. verum & suâ ornat Coronâ, Religionis exemplis Mariæ Aram coronando. Submisisse ad hujus Leenæ pedes Coronam visus, Konar-scius Episcopus Craconiensis, qui sub tempus Sigismundi Anno 1514. hic ad Aram V. M. supplicans sub hoc ipsum Sacrificij ad hanc Aram tempus victo-riam impetrauit, quam hinc assumptis auspicijs obtentam tum appensis ve-xillis in Corona Basilicæ Marianæ, tum nuntio dato ad Sanctissimum D. Le-onem X. Pontificem Max. constabat.

### *Illustrissima Domui Zalusciae.*

**D**Vo Genij vnus ater, alter Candidus Domûs Zalusciae sagittis certant: 1. psum fulgur à Cruce Sagittæ Zalusciae oculos atri genij reuerberat, hinc in caelum jacta missilia franguntur allua terræ &c. &c. Arbitra de cœlo The-mis Coronam proponit in præmium &c. Lemma: *Hu Victor ab Armis!* Sub-scriptio: *Montis Clari, Ordine, ac Mariæ Honorem & Decorem auget, & promouet:* A Cruce clarior Sagitta, & agilior, retundit aciem tenebrionum, certatur pro præmio, quod Sacra Themis Maria in hoc Monte destinat. Norunt, experti-que sunt illi, qui huic Sagittæ lucem affusam per gratiarum ex hoc monte de-fluxum experti sunt; & hinc desumptis auspicijs opera tenebrarum trium-phant.

### *Illustrissima Domui Lesczynie.*

**B**lons, & Leo (vterq; Stemma componit) in amœniore spatiantur horto &c. Extra portam Corona & gladius (decora Leonis) posita. &c. Lem-ma: *Hic pascit utrumq;* Subscriptio: *Pretiosum erga Montem Clarum, testatur af-fectum*



*fectum in muneribus; gratum, in Honoris Mariani promotionibus.* Paraditus Mariam designat, ad quam congenita indole feruntur Illustrissimi Lesczynia Domus Heredes, & quod humiliter Mariana venerentur recta, potestatis insignia præ foribus deponens Leo, scilicet gladium, aureamq; Coronam, probat. Gratiarum hinc acceptarum relinquunt tesseras. Patebat his annis in Illustrissimo Domino Venceslao Comite in Leszno Lesczynski Palatino Volhinia, qui muneribus gratitudinem pro beneficijs, hinc acceptis testatus est.

### *Illustrissima Domui Kalinowskie.*

**G**enius Arcu, & Pharetra succinctus, alis subuectus Sagittam auream cælo infixit, in vna extremitate diuisa (prout Stemma demonstrat) binas Stellæ habentem &c. Lemma: *Nostri hac meta Sagittæ!* Subscriptio: *Tum frequentioribus religionis exemplis, tum ornamentis pretiosioribus Marianam Basilicam auxit.* Dignus aureæ Sagittæ Scopus, cui cum terra dare parem non potest, quærere metam in cælo cogit. *Cælum animatum* (ex Senlu SS. PP.) est Maria digna Illustrissimæ Domus affectuum meta. Digna Sagitta, cui locum in cælis cedat jaculum; quod aurea, quod à cælo non exerrans, superis dilecta; Stellarum consortio, se aut in cælis natam, aut ab indole sua cælis debitam testatur.

### *Illustrissima Domui Przerebskie.*

**C**ataphraetus Heros vno genu procumbens ante Aram in qua armata Pallas, eleuato sinistra gladio duos digitos imponit, quasi Sacramentum fidelitatis profitens, &c. Impetus ex Armis dictis Nowina. &c. Lemma: *Tuum tu labor Honorem!* Subscriptio: *Eximjs Montem Clarum fauoribus, thesaurum Marianum pretiosis muneribus, Armamentarium bellico apparatu cumulauit.* Quali iuratum huic loco, Mariæq; affectum Illustrissimi Heredes seruant, & muneribus testantur, tum quæ ad ornamentum, tum quæ ad munimentum pertinent. Præcipue Illustrissimus D. Sigismundus Przerebski Palatinus Siradiensis, qui Annulum, cui parem in pretio Mons Clarus non habuit in fauores sibi Mariam desponsando, ad eius Aram donauit.

### *Illustrissima Domui Porebskie.*

**E**X Armis Gentilibus Kornicz dictis occasio Symbolis Plenilunium. In Ara supplices LVNÆ (quam Reginam Cæli putabant) panes offerunt &c. ad illud alludendo Ieremiæ 7. *Fili colligunt ligna, & Patres succendunt ignem, & mulieres conspergunt adipem, ut faciant placentas Regina cæli &c.* Lemma: *Et hoc munus placatq; placetq;!* Subscriptio: *Pretiosissimis argenteis muneribus Marianam exornat Aulam, & deuotis affectibus.* Munera quæcunq; figurat ex hac Illustrissima Domo Panis ex stemmate desumptus, ad quorum oblationem omnis ætas, & sexus adlaborat, vt dignè Mariam Reginam cæli venerentur.

Sub Primæ Contignationis Corona, inter Palmas hæc

Illustrium sex Ciuitatum Symbola.

*Alma Coronatrici Regum, Vrbi Craconia, Polonia Metropoli.*

**V**irgo Leonibus prouchitur in Urbem. In Porta acclinis Reginam salutat Aquila &c. Lemma: *Lætior Hospite tanta!* Subscriptio. *Votis, Visitationibus muneribus Montem Clarum veneratur.* Sæpius illustrata hinc acceptis gratijs, nunc Ectypum huius Imaginis in Æde B. M. V. in Circulo colit, sub turri. Antehac, post funestam Clari Montis direptionem, Imaginem ex manibus Serenissimi Casimiri Regis Polonia suscepit, restaurauit, in Prætorio custodiuit exornauit, honorificè ad Montem Clarum cum triumpho reduxit.

*Alma*



### *Alme Urbi Lithuania Metropoli Vilna.*

**C**ataphraetus Heros (Stemma Urbis) sub Arce decertat. Victor Coronam à Virgine ex Arce prospectante accipit, cuius gratiâ pugnatum est &c. Lemma: *Pretium non vile laboris*: Subscriptio: *Visitationibus, donis, & amoribus Montem Clarum colit*. Quid est aliud gratijs ornari, quam coronari? Certant cum aduersa fortuna, & calamitatibus varijs itinerum difficultatibus auspice Virgine vincunt, accedunt ad hanc Aram solatijs ornantur & coronantur.

### *Alme Urbi Leopoli Russia Metropoli.*

**V**irgo in Arce muro circumducta. Leo coronatus (Urbis insigne) portam custodit. Lemma: *Hoc dignus jure Coronâ!* Subscriptio: *Quam ante in Russia Annis quingentis coluit Imaginem, etiam nunc eam in Monte hoc veneratur visitationibus, & muneribus*. Digna MARIE fauore cujus Honorem securum, intaminatum, intra se fouet, & promouet.

### *Ciuitati Varsauiæ.*

**S**iren (Ciuitatis insigne) in tranquillo Mari sub promontorio canrat, ad cuius vocem Actuarum majus placidè nauigat in quo Virgo tener gubernacula. &c. Lemma: *Ad vocem sequitur*. Subscriptio: *Multis antebac Montem Clarum dignata fauoribus, ex eodem, & Odigitriam in cultu publico Imaginem, & Ordinem habet*. Spectabilis Magistratus gratiosa Ordinis ad Fundationem vocatio, & Imaginis in maximo cultu observatio, affectus erga Montem Clarum probat.

### *Ciuitati Gnezna.*

**Q**uia à Nido nomen habet, conceptus hinc elicitur ad corpus Symboli. A longe spectatur nidus Aquilæ (Ciuitatis est Insigne) quæ volat ad Virginem prædam ex ejus acceptura manibus, duo pulli sequuntur. &c. Lemma: *Prædam hinc accipit Ales!* Subscriptio: *Publicis Montem Clarum Votis & Visitationibus veneratur*.

### *Ciuitati Posnaniæ.*

**Q**uia duas in Porta Clauas pro Insignibus habet, Genius Ciuitatis Clauas offert Virgini sub tentorijs in editiori loco sedenti. &c. Lemma: *Præsidium Tu, & Præses eris!* Subscriptio: *Frequentioribus annis visitationibus, affectibus, & publicis obligationibus Montem Clarum colit*. Vota sæpius deposuit in publicis supplicat onibus triumphata pestilentia. Maximè solenne est Votum publicum, quod incipit: *Diuum atq; Hominum Spectatrix, Hera Tutelarix &c.* ubi eximios suos amores erga Mariam, locumq; illius dedicatum Honori depromit.

## SECUNDA CONTIGNATIO.

Hæc ad Nouemdecim cubitos in latum explicata Quinq; Serenissimorum Polonia Regum, specialium Montis Clari Fautorum Protectorum, ac Benefactorum continet Statuas.

*Supra Statuam Serenissimi & Inuictissimi Polonia Regis  
IOANNIS III. collocatam in Medio.*

**M**ons Clarus circa quem duodecim lectissimi Iuuenes, cum Scutis seu Clypeis saltantes, canentesq; , Anciliorum solennitatem celebrant. De super è coelo Manus in catena aurea Ancille, seu Scutum demittit, ad Clari Montis protectionem. Lemma: *His est tutamen in Armis!* Sub Statua Inscriptio: *Serenissimus, & Inuictissimus Polonia Rex Ioannes III. Montem Clarum singulari fouens in Patrocinio & insignibus tam pretio, quam artificio muneribus Aulam Marianam illustrauit, & liberali censu, ad flammæ perpetuo in oliuarum oleo fundas*



ante thaururgam Imaginem, dotavit, alijs compluribus fauoribus cum Serenissima Regina Montem Clarum dignatus. Quidni continuam Anciliorum solennitatem celebrat Mons Virginis, quæ è gratiosissimis Serenissimæ Majestatis fauoribus jugem protectionem habet?

Supra Statuam Serenissimi Poloniae Regis  
SIGISMUNDI AVGVSTI à dextro latere.

**M**ons Clarus. Patet Conclauē in quo Imago. Cataphractus Heros cum Scuto & gladio fertur, post quam varia vexilla, trophæaq; ferunt &c. Lemma: *Hic Tibi militat Armis!* Subscriptio: *Serenissimus Poloniae Rex Sigismundus Augustus tam artificio, quam pretio, præclaris manuum suarum argenteis operibus Marianum thesaurum auxit, alijsq; amplissimis fauoribus Montem Clarum cumulauit, post immanem Moschorum cadem victricia arma & trophæa intulit. Quasi si Mariæ soli pugnasset, omnia hostium vexilla in ejus Basilicæ Coronæ appendit.*

Supra Statuam Serenissimi Poloniae Regis  
VLADISLAI IV. à sinistro latere.

**A**quila Coronata Ottomanicam Lunam rostro, in vno pede Laureas in altero Palmas tenet supra Montem Clarum volitans Lunam & ferta palmasq; demittit supra Marianam Aulam &c. Lemma: *Munera Patrona victricia defert!* Subscriptio. Sub Statua; *Serenissimus & Felicissimus Poloniae Rex Vladislaus IV. cum sua Serenissima Consorte Cæcilia Renata eximij deuotionis monumentis Montem Clarum exornauit. Huc post Cboymense bellum victricia Arma & trophæa intulit, Aulam Marianam vario decore pretioso illustrauit. Ad Votum omnia beliorum cum barbaris, momenta Serenissimo Vladislao cessere, qui hic auspicijs sumptis Victoriæ bellicas apparabat expeditiones, Exercituum suorum vexilla, suiq; lateris gladium benedici curauit.*

Supra Statuam Serenissimi Poloniae Regis  
IOANNIS CASIMIRI à dextro latere.

**S**upra Montem Clarum Aquila expansis alis, libratur, è gentili manipulo, quem gerit in pectore, spicas & grana è rostro laureas supra Montem Clarum mittit. &c. Lemma: *Ornat nutritq; tegitq;!* Sub Statua inscriptio: *Serenissimus Poloniae Rex Ioannes Casimirus, cum Serenissima Consorte Ludouica Maria Gonzaga peculiari affectu Montem Clarum fouebat. Cum unanimi Reipublicæ consensu ad Ornamentum, & Munimentum Bona Klobucensia gratiōse attribuit. De Kosacis & Tartarijs Victor, huc vexilla intulit hostibus erepta, hic triumphum egit, pluribus Montem Clarum, & amplioribus fauoribus dignatus.*

Supra Statuam Serenissimi Poloniae Regis  
MICHAELIS I. à sinistro latere.

**A**quila versùs Montem Clarum volat, in pectore gentilitia insignia Luna Stella Crux, quæ radios lucidissimos in Montem Clarum jaculantur &c. Lemma: *Affulgent Monti sociata serenum!* Sub Statua subscriptio: *Serenissimus Poloniae Rex Michael I. cum Serenissima Poloniae Regina Eleonora Maria Iosepha, frequentioribus, & illustrioribus deuotionis exemplis Monti Claro insulit. Hic primus, presente Imperatrice olim Ferdinandi III. Augustissima Coniuge Eleonora, & Archiduce Austria, Sacri Matrimonij solennitatem celebrauit, ut innocentes suos affectus Maria probaret. ad eius pedes Aureum adamantibus distinctum, alatum, cum inserta supplici syngrapha Cor appendit, & alijs præclaris gratiæ monumentis Montem Clarum exornauit.*

Paulò infra, inter statuas in Palmis, Illustrissimarum Familiarum  
Symbola cum suis Inscriptionibus, & Subscriptionibus

Illustrissi-



### *Illustrissima Domui Koniecpolscia.*

**A**vgustior in Monte arduo Porta, Domus Koniecpolsciae Genij Equis vetustior sparfa, & frequenter distincta soleis cum Crucibus premunt signata, & relinquunt vestigia; per hanc viam ad sublimè Palatium nubibus inuectum festinantes &c. Lemma: *Per hac vestigia tendunt!* Subscriptio: *Montem Clarum fauoribus, Marianam Domum muneribus aureis, gemmeis, argenteis; Ordinem pluribus beneficijs dignatur.* Ex communi SS. PP. & Ecclesiae sensu Maria Porta Paradisi & Ianua Caeli dicitur. Hic sibi Portam Paradisi, & Ianuam coeli patefecerunt Illustrissimi Domus Koniecpolsciae Heredes, qui singulari gratia, & patrocinio se non tantum Clari Montis Fautores, sed & *Ordinis Proso-Eremitici Protectores* in testamentis subscribere.

### *Illustrissima Domui Lubomirsca.*

**F**lumen præterlabenti, varia dignitatum insignia deuehenti, & aureas arenas, pretiososque lapides eicienti, Sol affulget, ac in eodem suam exprimit formam. &c. Lemma: *Cum fluidus non labitur vnda!* Subscriptio: *Argenteis, aureis, gemmeis, muneribus segmentis, vestibus; intimis amoribus Sanctitatis exempla Montem Clarum, Aulam Marianam, ordinemq; cumulat.* Sol in cælo, Virtus in viro idem est. Continuo cursu per ætatem lapsus Illustrissimi ad meliorem Vitam discedunt Heredes, fulget tamen, quemadmodum in antecedentibus, ita & in sequentibus Pulchritudo Virtutis. Malim tamen illustrem Amoris Mariani flammam, ab ea procedentem quæ est *Electa ut Sol*, & in Lubomirscaj fluminis vnda viuentem dicere, quam non obruit vnda sed fouet, non extinguit sed accendit, nutritque deuotionis eximie argumentis.

### *Illustrissima Domui Zamoscia.*

**P**allas sinistra manu duas cum Parma Hastas, in dextra vnam quadraconem confodit. Draco occisus &c. Lemma: *Stygios sic vindicat ausus!* Subscriptio: *Marianum Honorè, cultumq; religionis exemplis, pretiosis muneribus & amoribus hic amplauit.* Cum Marianum honorem hic promouet quid agit aliud, quam draconem mulieris fortissimæ inimicum exanimat? Illustrissimæ Domus Zamoscia Arma, non tantum Bella Patriæ, at Bella Mariæ gerere gnara, Hastis Achillis teliciora, quam quod illis dederunt fabulæ, hoc illis veritas fecit proprium.

### *Illustrissima Domui Potocia.*

**P**eramplum Atrium varia exornat Stemmata, & fumosæ Imgines &c. frequentiora Domus Potocia insignia Cruces tergeminæ, singulari lumine coruscantes, illustrantesq; Atrium visuntur &c. Lemma: *Splendores auxere Cruces!* Subscriptio: *Marianam Clari Montis Aulam præclaris tum deuotionis, tum munificentia argumentis exornat.* Vidimus in Illustrissimo D. Stanislao Potocki Palatino Cracouiensi. Supremo Armorum per Regnum Poloniae Præfecto, qui Clauam Officij insigne ad Mariæ Aram appendit; & ad imitandum deuotionis Zelum, & liberalitatis argumentum, Illustrissimos Filios, Palatinum Cracouiensem, & Palatinum Siradiensem, magnos nunc Montis Clari Fautores, ac Patronos, exemplo suo inuitauit.

### *Illustrissima Domui Ossolinia.*

**A**scia grandior. Manus protendit de cælo cotem, qua Asciam acuit. Ab vno latere sylua cælis jacens arboribus, ab altero ædificata Domus. &c. Lemma: *Destruit vt extruat:* Subscriptio: *Venerationem Montis Clari, Cultum Marianum promouet sumptibus, donis, & pietatis monumentis.* Ascia Syluam destruit, vt palatium erigat. Ita Ossolinia Domus vt eternitatis sibi Domicilium statuatur, temporalis vanitatis speciosa theatra diruit, ad quod cotem cælum ministrat.



ministrat. Patet Ossolinianæ Liberalitatis Idea, in Ebano Argëteo Imaginis O-  
digitriæ throno, quod Illustrissimus D. Georgius Ossolinski & crexit, & cum  
tantum suæ gloriæ monumentum erexisset, titulo vilissimi mancipij Mariæ se  
subscripsit.

*Illustrissima Domui Vielopolscie.*

**I**N Dianæ Templo varij varia offerunt. Gentilis Domus Vielopolscie so-  
nipes ad Dianæ templum fert Aram ad offerendas victimas. &c. Lemma:  
*Et Bello, & Religioni!* Subscriptio: *Singulari erga hunc locum religione ducitur,*  
*quam tum pietatis, tam Liberalitatis exemplis testatur.* Seruit utriq; Vie opolsci-  
us sonipes. Aram ubiq; habet, qui pietatem, & religionem ubiq; colit. Hanc  
fert secum non inuenit. Vidimus, cum in alijs olim, tum in Illustrissimo Io-  
anne Vielopolski Capitaneo Cracouiensi, Supremo Regni Cancellario, qui il-  
lustrioribus deuotionis exemplis, tum Liberalitate in argentea lampade, & au-  
ri puri putiq; calice religionem erga hanc Marianam Domum palam fecit.

In superiori ejusdem Secundæ Contignationis Corona, seu ambitu,  
Quinque Summorum Pontificum Imagines cum suis Symbolis, Subscri-  
ptionibus, & Inscriptionibus, qui specialibus Montis Clari  
Basilicam auxere gratijs.

*Sanctissimo D. N. INNOCENTIO XI. P. M.*

**A**quila & LEO, vtrumque liberale animal, & in terra & terram large præ-  
adam partiens sequentibus auiibus, & animalibus Lemma: *Dives in omnes!*  
Infra subscriptio: *Sanctissimus D. N. Innocentius XI. P. M. Amplissima Indulgentijs*  
*Plenarijs, per Speciale Breue, per continuum dierum XI. decursum, pro moderna*  
*Anni secularis presentis solennitate Montem Clarum auxit.* Ex insignibus San-  
ctissimi D. N. delimitur, qui populis huc veluti ad prædam conuolantibus  
gratias indulgit.

*Sanctissimo Domino Felicis Recordationis, ALEXANDRO VII. P. M.*

**P**Vraque Montes è longinquo (Stemma Sanctissimi) his eminet Stella di-  
rigens radios in Montem Clarum; è contra Mons Clarus triplicis Solis  
diademate coronatus &c. Lemma: *Augetur Lumine Lumen.* Subscriptio San-  
ctissimus D. Piæ memoriæ Alexander VII. P. M. *Post Obsidionem, Clari Montis*  
*& Suecis, & hereticis varijs factam, solutamq; miraculosè, Romæ publicam gratiarum*  
*actionem, & triumphum instituit.* Inspectante Serenissimo Poloniae Rege Ioan-  
ne Casimiro, & Ludonica Gonzaga Maria, tum varijs Senatoribus tunc post  
Obsidionem in Claro Monte præsentibus, Mons Clarus tribus Solibus coro-  
natus vitus est, qui ad corpus Emblematis assumuntur. Et alijs fauoribus  
Montem Clarum auxit, supplicante Serenissimo Rege Poloniae Ioanne Ca-  
simiro.

*Sanctissimo D. Felicis memoria URBANO VIII. P. M.*

**A**Piarium. Ad hoc Apes tres mella deferunt. Tum intra, tum  
extra Apiarium varij statûs homines mel accipiunt, comedunt &c. di-  
scedunt mel ferentes &c. Lemma. *Et adhuc mea mella eleguntur!* Subscriptio:  
*Sanctissimus D. Felicis recordationis Urbanus VIII. P. M. Plenarijs Indulgentijs per-*  
*petuis, pro Festiuitatibus Natiuitatis, Annuntiationis, & Purificationis B. V. M. Pœni-*  
*tentiariæ Lauretana, tum SS. Reliquijs, Clarum Montem, Clariorè fecit.* Ex Indul-  
gentiarum participatione cum dulcedinem delibant fideles, Gentilitiæ Apes  
Sanctissimi in Symbolo ponuntur.



*Sanctissimo D. Pie memoria CLEMENTI IX. P. M.*

**I**N Conclauī Imago Claromontana apparet. Ad extra cum in signibus præsentes Cardinales, ad Pontificatum inuitant. Obuersus benedicit ē longinquo Montem Clarum, &c. Lemma: *Hac auspice regnet!* Subscripti o. *Sanctissimus D. Felicis memoria Clemens IX. Indulgentijs Stationum Vrbus Roma, tum alijs fauoribus dignatus Montem Clarum exornauit.* Post decēssū Sanctissimi D. Pīæ recordationis Clementis VIII. dum ad Electionem pro Cardinalibus pararentur Conclauia, ante ingressum Cardinalium à varijs visitabantur, Cumq; Præses, in Conclauī quodam Odigitriam Imaginem, Romam Alexandro VII. à Nostreis Patribus ex Polonia delatam collocari videret, dixit: *Hinc Pontifex egredietur, ubi hæc Imago locatur.* Non fefellit augurium, nam paulo post ex eodem Conclauī ad Pontificatum euocatus, & Clemens IX. Pontifex salutarus est.

*Sanctissimo D. Felicis recordationis CLEMENTI X. P. M.*

**M**Elchisedech Rex Salem sub tentorij offert incruentum D E O Sacrificium. Extra tentorium Coronæ Regales, & Sacerdotales infulæ &c. Lemma: *Hinc Rex erit. atq; Sacerdos!* Subscriptio: *Sanctissimus D. Felicis memoria Clemens X. Olim Hospes in Polonia, primum Missæ Sacrificium ad Aram tbaumaturge Imaginis in Claro Monte celebrans, eximia religionis reliquit exempla, in Summo Pontificatu, varijs fauorib; Montem Clarum illustrauit.* Quod hīc plurimi sui statūs primitias, ex votorum solutione sortiantur, in plurimis vidimus, qui hīc ex voto primā D E O offerentes incruenti Sacrificij libamina, compotes votorum effecti sunt. In Sanctissimo D. Felicis memoriæ, Clemente X. hoc vidimus, quod cum post habitis tot per Poloniam Illustribus Basilicis, & locis primum offert D E O Sacrificium, hīc destinat; Sacerdos Magnus, ad Triplices Coronas, tum Sæcularis, tum Ecclesiasticæ potestatis est euectus.

In eadem superficie, seu Corona inter Summorum Pontificum Imagines, ponuntur media Dignitati Ecclesiasticæ symbola.

*Illustrissimo, ac Reuerendissimo D. Ioanni Malachowski,  
Episcopo Cracouiensi, Duci Seuerie.*

**G**entilis Fascia, quæ Odigitriam Imaginem complectitur. Lemma: *Firmat, & ornat!* Subscriptio: *Singulari Odigitriam veneratione, & Montem Clarum, in quo primum Missæ Sacrificium obtulit, ordinemq; gratia prosequitur.*

*Illustrissimo Capitulo Cracouiensi.*

**T**Res Coronæ, Solis vberiores radios in subiectas reflectunt Palmas &c. Lemma: *A cælo concessa refundit!* Subscriptio: *Gratiosissimo respectu & aspectu, tum Montem Clarum, tum Rupellam exhilarat, fauoreq; fouet.*

*Illustrissimo Capitulo Varsauiensi.*

**C**Aput S. Ioannis Baptistæ, ad quod ē proximè Palmeto Genij Palmas deferunt, & venerabundo obsequio Palmas substernunt, iisdemq; stipant, ornant &c. Lemma: *Fidelem impendit Honorem!* Subscriptio: *Montem Clarum cum Odigitria Imagine amplioribus prosequitur fauoribus, & Ordinem, quem & ad Varsauiensem Foundationem fidelibus promouit conatibus.*



*Perillustri, ac Reuerendissimo D. Nicolao Oborski, Episcopo  
Laodicensi Suffraganeo Cracouiensi, &c.*

**L**illum Gentile, quod desuper irrorat Luna &c. Lemma: *Si non maruit unquam!* Subscriptio: *Vires corroborante caelo. Montem Clarum deuotionis, ac Sanctitatis exemplis, tum grauioribus illustrauit laboribus.*

*Illustrissimo, ac Reuerendissimo D. Andrea Trzebicki, Episcopo Cracouiensi Duci Seuerie.*

**C**Ygnus ad Flumen limpidum cantans. Aues admirantur, & assistunt venerabundæ &c. Lemma: *Recreatq; ornatq; cauendo!* Subscriptio: *Singulari Montem Clarum protectione fouit, Aulam Marianam Sanctitatis exemplis, & laboribus ornat, & muneribus.* Aliquot annis ante decessum, cum lux Diocesis Clero pedes Montem Clarum subibat, suo Pontificali exemplo ad imitationem efficacius trahens alios. Anno 1678. dum à Nostris salutareretur Patribus reposuit: *Venio publicas Patria necessitates, & priuatas, meaq; nouissima in hoc loco, Deo Patronaq; mea commendaturus &c.* Ita hic gratiosissimus Olor ante mortem, ad hoc limpidissimum Gratiarum Flumen Mariam insonuit, quam in Odigitria Imagine singulari semper affectu coluit.

*Perillustri, ac Reuerendissimo Domino, Adamo Konarski,  
Praeposito Varmiensis, &c.*

**G**entilis Leopardus gratiofa cum Leonibus Societate in vno Palmeto moratur, &c. Lemma: *Sibi gaudet sociasse Leones!* Subscriptio: *Montem Clarum, Imaginem Odigitriam Orlinem quem gratiosissima dignatione ad nouam Fundationem eo vocat, singulari affectu prosequitur.*

*Et alia hic locum occupant è Stemmatibus Symbola.*

*Illustrissimis Ducibus Radziuicis.*

**A**quilæ Genius insidet, Gentiles Tubas inflat, ad Montem Clarum fertur &c. Lemma: *Perpetuum & hic redditur Echo!* Subscriptio: *Fauoribus, & muneribus Aulam Virgineam & eximia religionis argumentis decorarunt.*

*Illustrissimis Ducibus Visnioniecjs.*

**G**entilis Luna, Stella, Crux, obijciuntur Solis radijs &c. Lemma: *Hoc clarior ortu!* Subscriptio: *Pijs affectibus, & muneribus Marianam Basilicam dignantur.* Ad plenam augeam lux Claritudinis, erga Mariam quæ est amicta Sole singularem hinc religionem assumendo, Illustriores te euasisse, nec vana existimatione putant.

*Illustrissimis Ducibus in Kleuan Czartorijscjs.*

**I**N Columna Virginis Statua, proponuntur præmia; hic Cursus meta: varij decurrunt hippodromum, sed alij offendunt, alij morâtes longè à termino apparent, Illustrissimorum Ducum Gentilis Heros metam occupat & præmia &c. Lemma: *Ad metam non segrior Heros!* Subscriptio: *Illustrissimi Duces affectuum suorum metam hic posuere, varijs muneribus, & deuotionis exercitijs Montem Clarum illustrando, quod vidimus in Illustrissimo Principe Regnique Primare Legato Nato Casimiro Duce in Kleuan Czartorijski, qui quotannis Montem Clarum frequentauit.*

*Illustris.*



### *Illustrissima Domui Danilowicia.*

**G**entilitia Luna Illustrissimæ Domus ex vna parte, ex altera sol in quo Virgo refulgens, noua luce Lunam Danilowiciam collustrat, &c. Lemma: *Ex hac mihi luce venustas!* Subscriptio: *Pretiosis, & varijs monilibus, muneribus, amoribus, officijs Montem Clarum colit.* Quod hinc illustretur hæc Illustrissima Domus vberius, hinc patet. In Arce sua Vhanensi Odigitriam Imaginem ex hoc acceptam loco veneratur. Miraculosam agnouit, & habet. Quemadmodum eius Authographum olim Belzensem Arcem, ita & hoc Apographum Vhanensem à viginti millibus Vkrainensium, & Moschorum oppugnata, non tamen expugnata hæc Præside permansit.

## TERTIA CONTIGNATIO.

Hic Duæ Statuæ Sanctorum Martyrum, quorum soleniter transferuntur Reliquiæ, Sancti HONORATI, & S. CANDIDÆ collocatæ sunt. Hæc ad Nouem cubitos in latum protenditur.

*In Superiori eiusdem Contignationis Corona, hæc ponuntur per allusionem ad Stemmata, Symbolorum Imagines.*

### *In Medio, Illustrissimæ Reipublicæ Polonæ.*

**V**irgo in Monte ad hanc Regius Coronatus Ales, Stemma Reipubl. Polonæ, in rostro Lunam in pedibus palmas & prædam tenens volat, sequitur similiter innumera Aquilarum multitudo Virgini deferens manubias, &c. Lemma: *Grata rependit!* Subscriptio: *Illustrissima Reipubl. Polona singularibus dignatur fauoribus, & exemptionibus Montem Clarum præcipue in Regni Generalibus Comitibus, quem cum deuotione sua illustrasset, etiam Bonorum Klobucensium gratiosissima donatione applicatione, & confirmatione, dotauit.* Scribit Plinius quod Virgo Pullum Aquilæ educauerit, qui adolescens in grandiolem, & validiorem Alitem, nutrici suæ prædam, pro curis in educatione impensis, sæpius ferebat. Hoc habet à Regio Alite Regina Poloniæ, quod cum cum suis fauoribus educat, & fouet, & gratitudinem in trophæorum illatione, & munerum recipit.

### *Palatinatui Cracouiensi.*

**G**enius Palatinatûs totius vexillum, in quo Coronata Aquila pedibus Reginæ in throno sedentis subiicit &c. sequitur innumera Cohors, & sua Reginæ acclinat insignia &c. Lemma: *Regina hunc pendit Honorem!* Subscriptio: *palatinatûs Cracouiensis pluribus affectus insignibus Montem Clarum prosequitur, tum in annua visitatione, tum in negotiorum, in Palatinatus Comitibus promotione.* Ex quo Reginam Poloniæ dicit colitque Mariam, illi sua subiicit insignia.

### *Palatinatui Sendomiriensi.*

**T**erissimum Coelum in quo Luna & Stellæ. Genius Palatinatus tenet Scutum, in quo æquo fulgentes lumine Stellæ &c. Lemma: *Luci cognata Serena!* Subscriptio: *Sendomiriensis Palatinatus illustres Viri Mariam in hoc loco, ut in cælo, thaumaturgis fulgentem operibus venerantur, hinc cognato stellæ lumine collustrantur.* Noctis Prætes Maria, D E I q; Vicaria siderum lucidissimo stipatur populo; in hoc loco cognata Sanctitatis, & Religionis Lux in Armis Palatinatûs insulget, qui & inter Sæculi umbras, umbras non amat in Matris Luminum Mariæ clientelam assumptus.



### Palatinatui Lublinensi.

**M**ontes & Rupes excellæ, in quibus libanotis, & varîæ odoriferæ herbarum, arborumq; species. &c. intra scopulos, & juga montium spatians deliciatur Caper (Gentile Stemma Palatinatus) huic Lemma: *Gaudens hic pabula carpi!* Subscriptio: *Magno erga locum Sacrum propendens animo, eundem religione singulari veneratur.* Gaudet excelsis indoles magnanima, quam humiles excolus valles Caper designat. Illustrissimorum hujus Palatinatus Virorum illustre Schema, qui religione singulari hunc Montem aromatum frequentant, ut vel ipsa inter cœlestia monstra Capra Iouis Nutrix, ipseque inter duodenum Zodiaci senatum Caper hæc pabula invidere merito possit.

### Palatinatui Siradiensi.

**E**X quo semi leo Ruber, & semi aquila candida sub vno diademate sunt Palatinatus insigne, inter hinc Regium Animal, inde Regius Ales, throno Reginae dant locum medium, in cuius pulvino Diadema aureum, ab utroque latere, Aquila, & Leone stipatur. Lemma: *Medium occupando beavit!* Subscriptio: *Quot hæc Illustrissimorum Virorum Cunabula educant, educuntq; Heredes, tot eximios Patronos Fautores, Tutoresq; Montis Clari, & Honoris Mariani Propugnatores, Promotoresq; recenset: Salomonis thronus non tam augusto stipatur satellitio, ac thronus Mariæ cuius Honori, & venerationi præsto Leo & Aquila aduigilant.*

### Palatinatui Calisiensi.

**I**nter signa Zodiaci prominet Vri Caput Coronatum (Stemma Palatinatus) è cœlo taurica quasi à sua Zodiaci statione cadens, prominet. &c. Lemma: *Sit Nostro hæc gloria Cælo!* Subscriptio: *Sue Nobilitatis huic loco deditam, indolem hoc insigne denotans, inter Clari Montis assumitur decora.* Portitor Europæ Taurus, (cujus aliquando formam fertur indutus Iupiter) cœlo donatus, cedit Bifonti, quem immortalis gloriæ diademate magna erga Patriam & Ecclesiam Coronarunt merita.

### Palatinatui Rauenfi.

**S**ol altius prouectus supra montem, Aquila (insigne Palatinatus) irretorta oculorum acie solem tuetur, postquam plures Aquilæ ad solis contemplationem prouolant &c. Lemma: *Oculis non palpitât unquam!* Subscriptio: *Grato in hunc locum aspectu, & respectu, Montem Clarum fauoribus suis dignantur, illustres huius Palatinatus Viri.* Filij Lucis, Matri Candoris Lucis æternæ fauent. Non coecutiunt, fideli deuotionis gratiarum ardentem, lucentemque solis Mariam læpius hinc sibi propitiam agnoscentes.

### Terra Vielunensi.

**P**Ratum in editiori loco peramœnum, in quo Ovis, in parte inferiori balantem Agnum voce appellat, qui voce Matrem cognoscens celeri passu properat &c. Genius Vielunensis terræ in habitu Pastoritio vexillum vna, altera manu Calicem tenet: &c. Lemma: *Cognoscit Voce vocantem!* Subscriptio: *Intimis, & innocentibus Amoribus Terra Vielunensis hic Mariam colens, eius Honorem promouens, & propugnans, amplioribus eius fauoribus illustrari meretur.* Inter mille Ouium greges, vna quæq; sui partus agnoscit prolem. Et Maria quæ à D. Ephræm appellatur *Agna Immaculata* & ab alijs SS. PP. *Ovis* dicitur, vocat ad se tacitis affectuum suorum insinuationibus. Tantæ Matris se dignam vnus quisq; virorum illustrium terræ Vielunensis plorem declarat, cum affectu,



fectu, & deuotione vocanti respondet. Grata Vox in negotiorum ejus loci promotione, aut Honoris defensione, dignos tanta Matre Filios probat.

### *Terre Cuiauiensi.*

**L**EO & Aquila, hoc terreum, illud acreum animal (Stemma Cuiauiensis Terræ) in editiori Monte, vnum dextrum Virginis latus, alterum sinistrum stipat. Vtrique Virgo manu blanditur. &c. Lemma: *Huc utrumq; vocauit!* Subscriptio: *Connata quadam erga Montem Clarum religionis indole feruntur Illustriores terra Cuiauiensis Viri, quem cum amplissimis colant affectibus, gratiarum hic Hospita, Hospitalud; Maria, merentur illustrari fauoribus. Blanditur propinquiore deuotione ad se accedentibus Maria, eosdemq; jugis, suæ præsentia solatio, in varijs casibus dignatur.*

**T**OT Illustrissimi Viri, quorum hic singularis recenseri non potest memoria, debet tamen illis in tantæ solennitatis actu publica veneratio haberi, ex omnibus Palatinatibus quanto ferantur erga sacrum Virginis montem affectu, patebat maximè sub tempus Obsidionis Claromontanæ. Dum enim ad subsidium Patriæ ferendum in illa calamitate in solidiores vires Nobilitas Polona coalesceret, & Sacramentum propugnandæ Patriæ diceret, in Confœderationis tenore Montem Clarum suæ Pietatis in D&VM, Sanctissimamq; Matrem, fundamentum appellat. Refero Confœderationis tenorem: *Basilicam Czestochouiensem, non in Patria duntaxat sed per Orbem Christianum, votu, & pjs peregrinationibus celeberrimam, aliquot millium exercitu cinctam sacrilego ausu oppugnat. & mœnia tormentis arietat, diripiendi causa thesauros Diuino cultui sacros; atq; ut diruto hoc in Deum, & eius Sanctissimam Matrem Pietatis Nostræ fundamento ausu maiori, ad eliminandam prorsus de regno fidem Catholicam progrediantur, & in eius locum inducat homines peregrinos nouis, & diuersis inter se de religione opinionibus tumultuantes &c.* Cumque hinc sit eximia Laus, tanti in Illustribus Viris, ad Montis Clari propugnationem, Zeli, & religionis, merito & in hac circumstantia Honoris partem habere debuerunt.

## QUARTA CONTIGNATIO.

Hæc ad septem circiter cubitos in latum protensa, inter Palmas sub petaso Odigtriam habet Imaginem, quam submisso ad homagium poplite Genius Poloniæ adorat. In icuto scriptum tenens: *Aurea, Sarmatia reuebes, Fortuna salutem!* Ex altera parte Genius Ordinis Protoeremitici pariter è genibus adorans, in Scuto inaratum habet; *Saculum Nostrum in illuminatione vultus Tui, quoniam complacuiisti in eis!* Psalm. 89. Infra Subscriptio: *Christiani Imperatores Pro Fortuna simulacro Beatae Mariæ Virginis Imaginem Diuam coluerunt. Hanc exemplo illorum pro Aurea Fortuna jam tr. centis in hoc loco Annis veneratur Polonia. Hic in superiori Corona Symbola.*

### *M. Ducatui Lithuanie.*

**S**OLIS simulacrum in grandiori cubo Equus ex vna parte, ex altera Miles cataphractus &c. Lemma. *Fit victima Solus uterq;!* Subscriptio: *Per tot Virorum Illustrium Visitationes, & exempla, Montem Clarum veneratur, & beneficijs prosequitur. Sol, Sola inter omnes singulari exceptione Maria, vt Sol inter sidera effulget, & in hoc loco gratijs calefacit, ardet, lucet huic affectuum victima Gentilis Ducatus Lithuaniae Heros & Equus submittitur.*

### *Ducatui Russiæ.*

**I**N parte Zodiaci prominet Virgo, ad cuius latus Leo Coronatus &c. Lemma: *Sic ornat vicinior, atq; tuetur.* Subscriptio: *Singulari ad Imaginem deuotionis relatione propendens Montem Clarum intimis fouet affectibus, colit muneribus.*



Ut inter varia cœli Monstra Leo vicinior defendere tueriq; videtur Virginem; ita verius in Poloniæ Russiæque cœlo Honorem Matianum propugnati ornat tucturq; Leo Roxolanus.

#### *Ducatui Mazouie.*

**M**ons Clarus, supra quem prominet ea pars cœli, quæ Aquilam suis distinctam Stellis habet. &c. Lemma: *Meritis cœlo additus Ales!* Subscriptio: *Cum antea magnis Coleret Montem Clarum, Odigitriamq; Imaginem affectibus, & eius Apographum in suo sinu pro Aurea Fortuna colis. Iouis Ales, fulminum minister, Portitor Ganymedis, quod ad Mensam Deorum ministrum tulerit, cœlo inferi meruit; quid non mereatur & in hoc Clarimontis Cœlo principem locum, & Ales Ducatus Mazouie, qui ad rhaumaturgam Mariæ Mensam non Ganymedes, at tot Illustrissimos Viros succollatoribus affectuum humeris transportat?*

*Supra Odigitriam Imaginem sub Corona Quarta Contignationis Illustrissima Domus Tomiciana, & Illustrissima Domus Iarnowsciana, ac Alma Academia Cracouiensis Insignia.*

#### *Illustrissima Domui Tomicianæ.*

**A**lcion in Mari. Placidè nauigat, prospereque promouet aspirantibus fauonijs. Genius Illustrissimæ Domûs Anctuarium. &c. Lemma: *Hac auspice tutus.* Subscriptio: *In negotiorum Montis Clari promotione, amoribusq; ad deuotionis monumentis, Marianos demeretur affectus.* Mare est Maria. Tomiciana Argo placidè nauigat, dum Maria tempestuosi maris fluctus, tanquam auspiciatissima Alcion, componit. Rependunt Mariæ affectum Stemmatis Illustrissimi Heredes multiplici erga locum Sacrum fauore.

#### *Illustrissima Domui Iarnowscie.*

**G**enius Domûs Iarnowscie Montis Clari, & Ordinis Genio (vtrique in apparatu comico) obuius varia offert bellaria &c. &c. Lemma: *Compensat amoris amorem.* Subscriptio: *Montem Clarum Ordinemq; singulari prosequuntur subsidio, promotione, amore.* Quod patebat tum in Claromonte relictis beneficentiæ vestigijs tum præcipuè in Conuentûs Nostri Brdouiensis, negotiorum promotione. Adeoque & sub hoc actu Genius Montis Clari & Ordinis publico officio fauores, ac amores Honore recompensat.

#### *Alma Sanctitatis & Scientiarum Magistre Academiae Cracouiensi.*

**D**Vo Leones duobus Scepтрis inferunt Palmas, desuper, antea Panis portitor Coruus, diadema palmeis complicatum ramis tenens Sceptra coronat &c. &c. Lemma: *Sic iusto famulantur Honori!* Subscriptio: *Intimis amoribus, fauoribus, in promouendo Mariano Honore in hoc loco conatibus Montem Clarum, Ordinemq; semper dignatur.* Regum Principumq; Nutrix scientiarum Altrix, Magistra sanctitatis, virtutum Architecta Alma Mater Academia Cracouiensis, quemadmodum amplioribus titulis, & meritis antecedit alia Stemmata; ita sublimiorem locum obtineat, tanto Mariæ viciniore, quanto Chariore.



# QVINTA CONTIGNATIO SEV CORONA.

Imago Serenissimi Vladislai Ducis Oppoliensis, quam duo Leones Pal-  
meo serito coronant. Subscriptio. *Serenissimus Vladislaus Dux Oppoliensis, Sa-  
eram Imaginem Odigitriam, quam ex Russia Oppolium deducere constituerat, hic, pro-  
digis, & mandato D. B. T. accedentibus, in Polonia reliquit Anno 1382. & Fratres Ordi-  
nis Sancti Pauli Primi Bremis Advocatos ex Vngaria fundavit.*

Hoc ad presentem solennitatem maximū momētum erat, hic Benefa-  
ctorum, Patronorum, Protectorum, Montis Clari, vel in comuni vel in  
particulari (prout angustia temporis patiebantur) meminisse. Nunc  
vbi Tertium finitur Sæculum, & Quartum inchoatur, vt omnes Fauto-  
res, Promotoresq; Hujus Loci, DEVS abunde suis gratiis, & solatijs  
cumulet, supplicibus votis implorando, Concludo, precorq; vt ex hac  
solennitate sit Regi Sæculorum Immortali & Inuisibili soli DEO ejusq;  
Immaculatæ Matri, & Virgini MARIÆ, Sancto PAVLO Pa-  
triarchæ, alijsq; Sanctis Patronis Honor & Gloria in Sæ-  
cula Sæculorum, Amen.



Antea Panis por-  
tus tenens scptis co-  
pulationis: hunc anno  
Montis Clari & Or-  
dinis Sancti Pauli Primi  
Bremis Advocatos ex  
Vngaria fundavit.











